

戎事類占卷四



戎事類占卷之十六

豫章李克家嗣宗甫輯

古歙胡文海鵬運甫校

風類二

凡五方之風以納音為論若風發屋折木揚沙走石至三日以上乃占不然雖凶亦無大害兩軍相遇以其日納音為客時與來方為主時方制音利為主後應納音制時宜為客先舉若相生為和睦

支辰五音 子為陽宮土主帝王丑為陽徵火主旱主火災宮寺口舌寅為陽徵火主旱主火災烽燧卯為陽羽水主雨主水主霧辰為陽商金主大將主吏士巳為陽角木

主疾病憂患午為陰宮土主后妃未為陰徵火主旱主庶
人土功蜚蟲詔赦書數申為陰徵火主蝗疫酉為陰羽水
主雪霜水電戌為陰商金主小將主兵刃亥為陰角木主
死喪哭泣自子至巳皆為陰律所生故為陽自午至亥皆
為陽律所生故為陰

納音五音 甲子壬申甲午庚辰壬寅庚戌為陽商乙丑
癸酉辛亥乙未辛巳癸卯為陰商丙寅戊子甲辰甲戌丙
申戊午為陽徵丁卯巳丑乙巳乙亥丁酉巳未為陰徵戊
辰庚寅壬午壬子戊戌庚申為陽角巳巳辛卯癸未癸丑
巳亥辛酉為陰角庚午丙戌戊申戊寅庚子丙辰為陽宮
辛未丁亥巳卯巳酉辛丑丁巳為陰宮甲申壬辰丙午甲

寅丙子壬戌為陽羽乙酉癸巳丁未丁丑乙卯癸亥為陰
羽凡受宮商角徵羽皆倣此

大風噴薄如吹火其聲中宮宮屬土聲怒土木工興如吹
火主兵火也聲平國君生子 風聲清切如裂帛其聲中
商商屬金聲怒征伐兵起聲平歲疫人死 大風嗚咽高
下不齊其聲中角角屬木聲怒兵戈起風急而寒大兵風
和而平肆赦 風烘烘然如炎火其聲中徵徵屬火聲怒
兵火災 風激揚如湍流其聲中羽羽屬水聲怒奸邪暗
起有水災

宮風大則聲隆隆如洪鍾小則如牛鳴窖中作溲酸濁穢
氣 商風大則聲鏘鏘如環珮小則如離羣羊作銅辛血

腥氣 角風大則聲號號如震落小則如雞登木作烟焦
 燒髮氣 徵風大則聲烈烈如燎火小則如鷹喚子作疏
 黃火藥氣 羽風大則聲澎澎如湧浪小則如蛙鳴渚作
 水腥魚腥氣

風勢殷殷如車如雷如擊鼓聲者為宮其將寬和 風聲
 如金石如雜佩如鸞和者為商其將威猛而好殺 風勢
 舒徐動林木者為角其將仁恕不可詐欺 風勢如流波
 相激者為羽其將貪暴多奸詐 風勢如奔馬如炎火者
 為徵其將猛烈難與爭鋒

風宮音如牛鳴窖中急惡土功大興其風由宮方生山摧
 岸崩角方蝗蟲敗穀商方大水徵方虎狼為害羽方大雨

陰寒 商音如離羣羊其風由商方起有關兵羽方夷塞
 關梁宮方后憂角方國有兵徵方君令急行兵凶 角音
 如千人呼嘯拔木則賊來戰其風起角方急兵入郭商方
 君令急暴兵起宮方土功作羽方人災其野饑徵方火災
 徵音如縛彘聲嘶發屋有急事來其風自徵方生火災
 角方旱災土功興宮方火災人哭泣商方急兵鬪羽方寶
 物出國 羽音如揚水如擊濕鼓怒則糴貴兵發其風從
 羽方來霜雹大雨商方兵鬪將憂宮方暴寒傷物徵方臣
 民有憂角方城圍不解

四季受宮之日風從四季上來飛土揚塵發屋折木而天
 色溫和時加子午及子午上止者當有邊夷入貢寒尅則

不至受商受宮之日風從四季上來其勢叫怒時當子午兼帶刑殺或申子亥卯上來其勢急速者當有夷兵犯塞風勢寒剋必成 四季受角之日時加子午風勢緊急從四季上來中國將伐四夷風止之處為所伐之地止辰伐東夷止未伐南夷止戌伐西夷止丑伐北夷若風止有雨景色溫和即不行 受角之日大風發屋折木從丑寅未申徵方上來乍遲乍疾時加子午雷火災發 受羽之日風從卯酉上來天陰雨潤人心悲慘連三日者當有暴雨大水驟至又有風雨蕭蕭潤氣勃勃從卯酉上來必然連雨水溢

宮日風從子午宮來動宮主出行急風急出有惡令慢風

慢出有喜令以日子占遠近 宮日風從陽宮來山崩君出地動有土功旱災風從陰宮來為地震裂若后有行又為旱 宮日風從子午宮來時加子午為重宮君欲行大臣走風雨不調 宮日風從丑未寅申徵來為宮動徵有火災有土功寶物出有兵時加徵為重徵有義兵行有詔令謂之義風 宮日風從卯酉羽來為宮動羽且有大雨不則大臣出走若復為旱宮君羽臣怒故臣走宮土羽水土盛水衰則火起故復為旱 宮日風從辰戌商來為宮動商有兵行且有客兵來時加辰戌為重商有兵殃 宮日風從巳亥角來為宮動角有兵戰主人憂客兵傷從陽角來邊兵戰 宮日大風從乾上來有暴雨湧水若風不

揚塵氣色和暢日光明盛不寒慘者國有喜良來為凶喪
臣子妻屬死囚休廢為下賤良為鬼門死之兆以風止
之方決其所在角雜羽為水死雜徵為燒死雜商為兵死
雜宮囚死純角病死大風止日時方位徵多為火羽多為
水商多為兵為粟貴角多為疾疫宮多為吉 宮日風從
徵羽來民不安角徵來火起角來疾疫宮羽商來羅貴羽
來水滂 徵日時加徵怒風蓬勃從商上來天色黃黑疾
作火燒倉庫止於商徵者事疾 徵日時加羽風蓬勃從
徵角商上來天色昏冥為火燒市肆 徵日風蓬勃從羽
上來先陰寒後熱火燒人 羽日時加宮風起羽有疾疫
以風止處災發之期寅則正月是也 羽日風從商角

上來時加徵者月內米貴人不安 商日風從角上來時
加商角米貴人疫 商日風從徵商角來粟貴人疫 角
日風從角徵上來火災粟貴或時加角徵或從他處起而
止於角徵皆為火災 羽日怒風從商上起揚沙晝晦有
兵來攻城邑若日中夜半時至客必敗商金羽水母子兼
強而水喪於土勢不能行金懷母義難保其子故城可固
守蓋日中夜半子午宮土時也

若鳴條以上怒風起止皆以五音五行相尅言吉凶其下
主客之法即日辰所得納音五行是客時下十二辰與風
所來方為主則可見勝負矣假令甲子納音屬金是商又
加巳亥上角木方風來是金尅木乃客凌主主必敗若得

丑未寅申風主勝客敗 凡初出軍日風從亥上來冲霧捲雲人強馬壯鼓角聲清音震必獲全功若從傍而來前軍必得天助獲敵糧有降我者 若軍行風從五音相生上來風氣調暢勝捷成功假令巳亥角風從卯酉羽上來此是母來翊子或從丑未寅申上來此是子來投母出軍多勝 凡中國欲伐夷狄當視四季受角之日日中夜半風勢緊急從四季上來當於風所指處伐之戊辰戊戌癸丑癸未受角日也辰戌丑未為四夷角木尅制四季土故爾 若四季受宮之日風從卯酉羽上來皆戰賊兵解散 丙辰丙戌辛丑辛未受宮日也尅所不勝故戰而散 東方寅卯之角國有大寇人多疾病庚寅辛卯是也 寅

卯之徵有妖言惑眾鬼神作祟又為火災丙寅丁卯是也 寅卯之商大兵攻伐出燕趙壬寅癸卯是也 寅卯之羽有霜雹水災蝗蟲起甲寅乙卯是也 寅卯之宮帝不安其都有游幸出喜令以財物賜庶人戊寅巳卯是也 南方巳午之徵夷狄侵害遠人邪謀乙巳戊午是也 巳午之羽有江海賊或水中船害人癸巳丙午是也 巳午之商大臣用事人民作亂辛巳甲午是也 巳午之角牛羊疫魚死水中民少移動巳巳壬午是也 巳午之宮天子欲警暴亂賞有功逐佞人封有德丁巳庚午是也 西方申酉之商軍民內移舟行沒溺壬申癸酉是也 申酉之角人民災奸兵起庚申辛酉是也 申酉之宮臣爭

財賂不恤國事戊申巳酉是也 申酉之徵內臣謀逆丙申丁酉是也 申酉之羽霜雹非時秋水災兵動水賊起民疾病五穀不熟甲申乙酉是也

北方亥子之羽蝗蟲卒起霧傷萬物癸亥丙子是也 亥子之商外兵爲惡水中賊起辛亥甲子是也 亥子之角公卿憂喪巳亥壬子是也 亥子之宮上功興兵起丁亥庚子是也 亥子之徵皇后憂太子薨乙亥戊子是也 四季辰戌丑未之宮有土功人流移牛羊疫丙辰丙戌辛未辛丑是也 辰戌丑未之徵山賊流言民人驚怖逃亾甲辰甲戌巳丑巳未是也 辰戌丑未之羽妖言流播衆庶移徙壬辰壬戌丁丑丁未是也 辰戌丑未之商五穀

不熟民多災歿庚辰庚戌乙丑乙未是也 辰戌丑未之角夷兵起人作難寶物出戊辰戌戌癸丑癸未是也

六情干屬 一曰本情甲乙主之二曰合情丙丁主之三

曰刑情戊巳主之四曰衝情庚辛主之五曰鈞情壬癸主

之本情用本日支辰合情用本日支辰所合刑情用本日

支辰所刑衝情用本日支辰所衝鈞情陽日用本日支後

第三辰陰日用本日支前第三辰 本情甲子陽商貪狼

乙丑陰商公正甲申陽羽貪狼乙酉陰羽寬大甲辰陽徵

奸邪乙巳陰徵寬大甲戌陽徵公正乙亥陰徵陰賊甲午

陽商廉貞乙未陰商奸邪甲寅陽羽廉貞乙卯陰羽陰賊

合情丙寅陽徵陰賊丁卯陰徵公正丙子陽羽公正丁

丑陰羽貪狼丙戌陽宮陰賊丁亥陰宮廉貞丙申陽徵寬
 大丁酉陰徵奸邪丙午陽羽奸邪丁未陰羽廉貞丙辰陽
 宮寬大丁巳陰宮貪狼 刑情戊辰陽角奸邪巳巳陰角
 貪狼戊寅陽宮寬大巳卯陰宮貪狼戊子陽徵陰賊巳丑
 陽徵公正戊戌陽角奸邪巳亥陰角陰賊戊申陽宮廉貞
 巳酉陰宮寬大戊午陽徵廉貞巳未陰徵公正 衝情庚
 午陽宮貪狼辛未陰宮公正庚辰陽商公正辛巳陰商陰
 賊庚寅陽角貪狼辛卯陰角寬大庚子陽宮廉貞辛丑陰
 宮奸邪庚戌陽商奸邪辛亥陰商寬大庚申陽角廉貞辛
 酉陰角陰賊 鈞情壬申陽商寬大癸酉陰商貪狼壬午
 陽角陰賊癸未陰角公正壬 陽羽公正癸巳陰羽貪狼

壬寅陽商陰賊癸卯陰商廉貞壬子陽角寬大癸丑陰角
 奸邪壬戌陽羽奸邪癸亥陰羽廉貞 凡言六情日依此
 時此方止用支辰以本情占之

六情支屬 一曰貪狼申子主之二曰廉貞寅午主之三
 曰陰賊亥卯主之四曰奸邪辰未主之五曰寬大巳酉主
 之六曰公正丑戌主之

六情風鳥所起 巳酉寬大之日時加巳酉鳥鳴其上王
 相當言長吏休廢囚死當日酒食時加寅午有酒食辭讓
 事時加丑戌有酒食口舌訟事時加申子有酒食爭財事
 申子貪狼之日時加申子鳥鳴其上王相當言羣賊攻
 劫休廢囚死有竊盜事時加寅午有善人說攻劫事時加

巳酉有酒食言攻劫事時加丑戌有盜賊詞訟或文書追盜賊事時加亥卯王相則有羣賊攻劫休火小盜時加辰未有婦人說盜賊事 寅午廉貞之日時加寅午鳥鳴其上王相當言長吏休廢囚火為僕役有諫諍事時加巳酉有遠書至時加申子有酒食爭財物事時加辰未有陰私口舌時加丑戌有酒食時加亥卯有酒食起爭殺 丑戌公正之日時加丑戌鳥鳴其上王相有長吏政理之事休囚有吏來慰問時加巳酉有宴饗賜與時加寅午有辭讓慶賀時加辰未有吏來說陰私盜賊事時加申子有吏來說財賦欺詐事時加亥卯有吏來說盜賊相殺傷事 亥卯陰賊之日時加亥卯鳥鳴其上王相羣賊大戰囚火有

爭鬪殺傷時加丑戌有吏逐賊相害時加寅午有婦女鬪傷事時加辰未有好事鬪傷時加申子有兩賊自相攻劫 辰未奸邪之日時加辰未鳥鳴其上王相有長吏來言捕獲事囚火有口舌事時加寅午有恭謙人言奸淫事時加申子有陰謀爭鬪劫盜事時加亥卯有賊兵相害事 右六情之日鳥鳴及風起於本情方上則課其時依上占之 凡陰賊之日有飄風從四季辰戌丑未上來時加四季或羣鳥飛從四季上來時加四季皆為有閉門搜索之事若值休囚廢火即在近道假令風起其方若羣鳥疾飛從其方來即時搜索欲知所捕何事時加丑戌則是仇怨 辰未則是盜賊或殺人賊亥卯王相是大賊 凡寅午廉

貞巳酉寬大丑戌公正日風和暖日清明皆吉主恩命慶
賀申子貪狼亥卯陰賊辰未奸邪日風寒慘日昏濁皆凶
主陰謀賊害看王相休囚准備無失 凡奸邪受宮之日
怒風從宮上來止於四季風氣寒慘城中兵亂起夜殺長
吏四出不禁期七十日遠九十日奸邪受宮丙辰辛未日
也辰未奸邪納音宮土子午宮方風來止於辰戌丑未上
爲四季也凡受商受角受徵受羽皆爲納音竝倣此 凡
日中夜半風從申子亥卯上來夜發晝止日中大寒不解
敵必夜來攻城劫寨蓋申子貪狼亥卯陰賊子午宮土城
寨之象 夜半有怒風乍起從四季上來而止於四季者
中國欲伐夷狄所以然者中國中土夷狄邊土夜半夜之

中也子爲宮土中國主之四季土居四隅夷狄主之 凡
旋風卒起宮宅內或從外入飄揚衣服發屋墮瓦必有暴
卒橫事若從歲月日時德上來或止於德方德合之方值
德合及寬大之日其辰王相則有吉事乍至若從歲月日
時刑冲墓殺上來或止刑冲墓殺方或日辰囚死皆爲凶
事貪狼陰賊奸邪日辰大凶軍必移營戰必退守行者急
走坐者急起避之 旋風起席間平時失官有軍戰敗
行軍忽旋風從前來逆冲防有伏兵潛謀等事 旋風忽
從後來逐人清明吉寒濁凶 旋風忽從傍起或橫冲當
面截過皆凶竝用日辰支干納音加時刑德六情五音占
之 行道有旋風四面圍迫宜迴避設備宮防夜來劫營

商防賊兵掩至角防林麓埋伏徵防火災羽防雨水暴溢
角日旋風突起從角來其地有次喪事 羽日旋風突
起戒行舟防沒溺 凡在宮宅營帳中有旋風徐徐繚繞
清明和暢漸向前來有賢人君子至或為使命喜慶之事
凡行道暴起旋風突從廉貞寬大公正上來與本命行
年相生則為喜事相迎從奸邪陰賊上來與本命行年相
尅防賊兵衝殺陰謀傷害若蓬勃寒慘又加刑殺大禍即
至本命即所生太歲支辰是也行年即男從一歲起丙寅
輪推之如十一歲數至戊寅二十一歲數至庚寅一歲移
一辰挨去是也

觀風占賊數視所從來之方為月期所發時辰為道里人
數乘王氣十倍五倍休廢如數囚死刑冲減半假令風從
坎上來起夜半止日中坎居子位期十一月夜半子時子
數九在九里或九十里若九人或九十人九百人之數如
月日時方于支竝王當為千萬人數甲巳子午九乙庚丑
未八丙辛寅申七丁壬卯酉六戊癸辰戌五巳亥四
凡壬辰主東夷其日風從辰上起七日東方海賊動期四
十日 癸未主南夷其日風從未上起七日南夷內侵期
七十日 壬戌主西夷其日風從戌上起七日以上西羌
及期五十日 癸丑主北夷其日風從丑上起若七日九
日匈奴大舉入寇八日以上風叫怒者凶 凡壬辰壬戌
日有風從子上來三日以上昏慘暴急此水內大賊欲攻

王國凡風大寒冽透骨不解皆為賊發 壬戌癸亥乙卯
壬辰甲申丁未六日有風從申子亥卯上來水中兵起相
殺近期五日遠五十日以上六日皆受羽申子貪狼亥卯
陰賊故也 諸羽日大風昏霧夜從申子上來陰寒迅急
當雨不雨水賊攻絕津梁道路不通近期五日遠五十日
丙辰辛未丙戌辛丑四季受宮日風從四季上來折木
揚沙五日以上至九日止子午上此為夷狄君長來朝或
遠夷入貢近期五十日百日遠百五十日 壬辰癸未壬
戌癸丑四季之日有風從申子亥卯上來迅急寒慘連三
日至七日此邊界長吏聚眾結連夷狄內侵郡國晝伏夜
來猝起作逆期七日或七十日凡風從貪狼陰賊奸邪上

來蓬勃陰慘夷狄反叛 庚辰乙未庚戌乙丑四季受商
之日時又加商風從亥卯辰未上來止於子午五日至九
日勃 不解夷狄起兵若風生中止或更轉巳酉寬大上
來賊必自退近期七日遠七十日或百日若風雖急暴不
昏慘蔽日止於子午或從子午上來或時加子午散氣霑
濡若雨濕然皆賊兵中道解散之兆 四季受商日怒風
從四季上來外夷欲屯聚寇掠不出七十日若從四季上
來初不蔽日復從四仲子午卯酉上來時加陰賊或又從
陰賊方來寒慘迅急日無光者夷狄兵起中道自相殘殺
不至近九日十日遠二十日 奸邪公正受商之日大風
暴怒從奸邪公正上來為夷兵犯塞十日不止千里來二

十日不止二千里來期七十日辰未奸邪丑戌公正四季日也故云 諸四季日暴風卒起及游風半日湏臾止者為千里外兵來不則近界荒戎為變風小事小風大事大凡大風從四季上來止於子午氣象清明天色和暖為四方邊界欲來歸順隨日期占之 凡四季主關津道路主管籥主遠方賓客占外國外夷州界 凡受羽日風從卯酉上來陰濁寒慘連三日者必有暴風雨大水驟至若風來帶刑殺及起於貪狼奸邪陰賊日時則有水中賊起 諸亥卯受角之日怒風從丑未上來時加申子賊用火攻若時加廉貞公正此仇怨相殺不出三日六日以日占其地蓋亥卯木所生王者也角屬木丑未徵火木因火發

也申子貪狼禍心生也廉貞公正本於陰賊怨所起也故云 諸徵日時加徵暴風卒起天色清明有檄書至為火災事近期三日遠三十日以日占其國 凡占火得巳酉時誤相殺也得丑戌時仇怨相殺也若徵風三日以上天色赤黃至七日不解天災火起千里相望有大風即解 歲月日時方德刑墓殺例 于德甲丙戊庚壬為陽陽德自處甲德在甲丙德在丙戊德在戊庚德在庚壬德在壬乙丁巳辛癸為陰陰德在陽乙德在庚丁德在壬巳德在甲辛德在丙癸德在戊戌分寄於奎壁巳分寄於角軫天門地戶之位也 支德歲月日時子德在巳丑德在午寅德在未卯德在中辰德在酉巳德在戌午德在亥未德在

子申德在丑酉德在寅戌德在卯亥德在辰以次順後五
 辰是也 月干德寅午戌月德在丙亥卯未月德在甲申
 子辰月德在壬巳酉丑月德在庚 三合申子辰合亥卯
 未合寅午戌合巳酉丑合 干德合甲與巳合乙與庚合
 丙與辛合丁與壬合戊與癸合 四殺者劫殺災殺歲殺
 戊巳殺是也假令申子辰年月日時劫殺在巳災殺在午
 歲殺在未巳酉丑年月日時劫殺在寅災殺在卯歲殺在
 辰寅午戌年月日時劫殺在亥災殺在子歲殺在丑亥卯
 未年月日時劫殺在申災殺在酉歲殺在戌戌巳殺者流
 戊就巳坎離成象變動不居所謂都天殺者是也假如甲
 巳之年殺在辰巳乙庚之年殺在寅卯丙辛之年殺在戌
 亥丁壬之年殺在申酉戊癸之年殺在午未其法每年但
 尋月建天干值戊巳者是也 五墓者歲月日時干支木
 火土金水所墓之方也

火土金水泚墓之六也

葬日數天干前九日皆長也 正墓者滿月日

亥丁壬之半葬丑申酉亥癸之半葬丑午未其也

戎事類占卷之十七

豫章李克家嗣宗甫輯
新安孫汝澄無撓甫校

雲氣類

夫雷電輟垂辟歷夜明者陽氣之動者也春夏則發秋冬則滅故候書者不司天開縣物地動圻絕山崩及陁川塞谿狀水澹地長澤竭見象城郭門閭潤息彙枯宮廟廊第人民所次警俗車服觀民飲食五穀草木觀其所屬倉府廩庫四通之路六畜禽獸所產去就魚鼈鳥鼠觀其所處鬼哭若諱與人逢選訛言誠然 自華以南氣下黑上赤嵩高三河之郊氣正赤恒山之北氣青勃碣海岱之間

氣皆正黑江淮之間氣皆白東海氣如圓筮附漢河水氣如引布江漢氣勁如杼濟水氣如黑狹渭水氣如狼白尾淮南氣如帛少室氣如白兔青尾恒山氣如黑牛青尾東夷氣如樹西夷氣如室屋南夷氣如闔臺或類舟船 韓雲如布趙雲如牛楚雲如日宋雲如車魯雲如馬衛雲如犬周雲如車輪秦雲如行人魏雲如鼠鄭齊雲如絳衣越雲如龍蜀雲如困 陳雲如立垣杼雲類杼柚雲搏而端銳鉤雲句曲諸此雲見以五色占而澤搏密其見動人迺有占兵必起 車氣乍高乍下往往而聚騎氣卑而布卒氣搏前卑後高者疾前方而高者銳後銳而卑者却其氣平者其行徐前高後卑者不至而返校騎之氣正蒼黑長

數百丈遊兵之氣如彗掃一云長數百丈無根本喜氣上黃下白怒氣上下赤憂氣上下黑土功氣黃白徒氣 凡候氣之法氣初出時若雲非雲若霧非霧髣髴若可見初出森森然在桑榆上高五六尺者是千五百里外平視則千里舉目望則五百里仰瞻中天則百里內平望桑榆間二千里登高而望下屬地者三十里敵在東日出候之在南日中候之在西日入候之在北夜半候之王相色吉凶灰色凶軍上氣高勝下厚勝薄實勝虛長勝短澤勝枯我軍在西賊軍在東氣西厚東薄西長東短西高東下西澤東枯則知我軍必勝

凡候氣常以平旦下晡日出沒時處氣以見知大占期內

有大風雨久陰則災不成故風以散之陰以緩之雲以幡之雨以厭之

凡觀雲氣唯論子午卯酉四時雲黃者和氣無敵黑者有敵乃賊殺之氣也白者殺氣青者瑞氣有賞賜班師之兆黑而漸小者我必勝賊必敗青紫襍者講和也

凡欲知我軍氣常以甲巳日及寅子辰戌午未亥日八月十八日去軍十里許登高望之可見依別記占之百人以上皆有氣

凡占災異先推九宮分野六壬日月不應陰霧風雨而陰霧者乃可占對敵而坐氣來甚卑下其陰覆人上掩溝蓋道者是大賊必至

凡氣初出似甑上氣勃勃上升氣積為霧霧為陰陰氣結為虹蜺暈珥之屬

凡氣不積不結散漫一方不能為災必須和雜殺氣森森然疾起乃可論占軍上氣安則軍安氣不安則軍不安氣南北則軍南北氣東西則軍亦東西氣散則軍破敗

凡望雲氣來卑而循車道者不過三四日去之五六里見氣來高七八尺者不過五六日去之十里二十里見氣來高丈餘二丈者不過三四十日去之五六十里見梢雲精白者其將悍其士怯其大根而前絕遠者戰精白其芒低者戰勝其前赤而印者戰不勝雲氣有戰居上者勝氣相遇卑勝高銳勝方占鬪其直正朔所候決於日旁日旁雲

氣人主象皆如其形以占故北夷之氣如羣畜穹間南夷之氣類舟船幡旗大水處敗軍場破國之虛下有積泉金寶上皆有氣不可不察海旁蜃氣象樓臺廣壑氣成宮闕然雲氣各象其山川人民所聚積故候息耗者入國邑視封置田疇之整治城郭室屋門戶之潤澤次至車服畜產精華實息者吉虛耗者凶

瑞氣 一曰慶雲若烟非烟若雲非雲郁郁紛紛蕭索輪困是謂慶雲亦曰景氣此喜氣也太平之應 二曰歸邪如星非星如雲非雲或曰星有兩赤彗上向有益下連星見必有歸國者與妖星歸邪占異 三曰昌光赤如龍狀聖人起帝受終則見

妖氣 一曰虹蜺日旁氣也斗之亂精主惑心主內淫主臣謀君天子誅后妃顛妻不一 二曰祥雲如狗赤色長尾為亂君為兵喪 日出時有著天白氣廣如一匹布長十餘丈西南行謹如雷西南行一刻而止名曰天狗 夜東方有赤色大三四圍長二三丈索索如樹南方有大四五圍下行十餘丈皆不至地滅若西北皆然曰客之變氣狀如樹木四方有欲動者 合鬪其直雲氣如三匹帛廣前兌後大軍行氣也 白氣衝北斗為大戰 有雲如衆風是謂風師法有大兵

雜氣 凡天子氣內赤外黃正四方所發之處當有王者若天子欲有遊往處其地亦先發此氣或如城門隱隱在

氣霧中恒帶殺氣森森然或如華蓋在氣霧中或有五色
多在晨昏見或如千石倉在霧中恒帶殺氣或如高樓在
氣霧中或如山鎮蒼帝起青雲扶日赤帝起赤雲扶日黃
帝起黃雲扶日白帝起白雲扶日黑帝起黑雲扶日或有
氣象青衣人無手在日西天子之氣也敵上氣如龍馬或
雜色鬱鬱衝天者此帝王之氣不可擊若在吾軍戰必大
勝或雲似雙臺五采色或雲如塔如樓臺如魏闕竝峙而
色五采或雲如冠裳而五采具下有屐皆天子氣也在我
軍勝在敵軍勿與戰凡天子之氣皆多上達於天以王相
日見

凡猛將之氣如龍兩軍相當若氣發其上則其將猛銳或
如虎在殺氣中猛將欲行動亦先發此氣若無行動亦有
暴兵起或如火煙之狀或白如粉沸或如火光之狀夜照
人或白而赤氣繞之或如山林竹木或紫黑如門上樓或
上黑下赤狀似黑旌或如張弩或如埃塵頭銳而卑本大
而高 兩軍相當敵軍上氣如困倉正白見日逾明或青
白如膏將勇大戰 氣發漸漸如雲變作山形將有深謀
凡氣上與天連軍中有貞將或云賢將

凡軍勝氣如堤如坂前後磨地此軍士衆強盛不可擊
軍上氣如火光將軍勇士卒猛好擊戰不可擊 軍上氣
如山堤山上若林木將士驍勇 軍上氣如塵埃粉沸其
色黃白旌旗無風而颺揮指敵此軍必勝 敵上有白

氣粉沸如樓繞以赤氣者兵銳 營上氣黃白色重厚潤
澤者勿與戰 兩敵相當有氣如人持斧向敵戰必大勝
兩敵相當上有氣如蛇舉首向敵者戰勝 敵上氣如
一匹帛者此雍軍之氣不可攻 敵上氣如覆舟雲如牽
牛有白雲出似旌旗在軍上有雲如鬪雞赤白相隨在氣
中或發黃氣皆將士精勇不可擊 軍營上有赤黃氣上
達於天亦不可攻 軍營上五色氣上與天連此天應之
軍不可擊其氣上小下大其軍日增益士卒銳 軍上氣
如堤以覆其軍上前赤後白此勝氣若覆吾軍急往擊之
大勝 凡氣銳黃白團團而潤澤者敵將勇猛且士卒能
強戰不可擊 雲如日月而赤氣繞之如日月暈狀有光

者所見之地大勝不可攻 有雲氣如獸居上者勝 軍
上有氣如塵埃前下後高者將士精銳 敵上氣如虎踞
豹伏者軍上恒有氣者其軍皆難攻 軍上氣如華蓋如
旌旗如鋒刃向人者勿與戰 有雲狀如飛鳥所見國戰
勝 兩軍相當敵上有雲如飛鳥徘徊其上或來而高者
兵精銳不可擊 軍上雲如馬頭低尾仰勿與戰 軍上
雲如狗形勿與戰 望四方有氣如赤鳥在烏雲中如鳥
人在赤氣中如赤杵在烏氣中如人十十五五或如旌旗
在烏氣中有赤氣在前者敵人精悍不可當 敵上有雲
如山不可擊有雲如引索在陣前後或一或四黑色有陰
謀青色饑赤色兵有反黃色急去

凡氣上黃下白名曰善氣所臨之軍欲求和退若氣出北方求退向西其眾死散向東則不可信終能為害向南將死 敵上氣囚廢枯散或如馬肝色如灰灰色或類偃蓋或類偃魚皆為將敗 軍上氣乍見乍不見如霧起此衰氣可擊上大下小士卒日減 軍營上十日無氣發則軍必勝有赤白氣乍出即滅外聲欲戰其實欲退散 黑氣如壞山墮軍上者名曰營頭之氣其軍必敗 軍上氣昏發連夜夜照人則軍士散亂 軍上白氣出而半絕者軍欲敗走再絕再敗三絕三敗在東發白氣者災深 軍上氣中有黑雲如羊形或如猪形者此瓦解之氣軍必敗 敵上氣如粉如塵者勃勃如煙或五色雜亂或東西南北

不定者其軍必敗 軍上氣如羣羊羣猪在氣中此衰氣擊之必勝 軍上有赤氣炎降於天則將死士眾亂赤光從天流下入軍軍亂將死 彼軍上有蒼氣須臾散去擊之必勝在我軍上須宜堅守 軍上有黑氣如羊形或如馬形從氣霧中下漸漸入軍名曰天狗下食血則軍破 軍上氣或如羣鳥亂飛或如懸衣如人相隨或紛紛如轉蓬或如揚灰或雲如卷席如匹布如亂穰如覆船如車蓋者皆為敗徵 氣乍見乍沒乍聚乍散如霧之始起為敗氣 氣如繫牛如人卧如覆車如雙蛇如飛鳥如决堤如敗垣如壞屋如人相指如人無頭如驚鹿相逐如兩雞相向皆為敗氣 氣如掃帚藤蔓死蛇死狗或如羣鳥低頭

又如人頭于千萬萬更有偃魚落樹瓦礫覆城皆是敗軍之氣

凡降人氣如人十十五五皆又手低頭或如人叉手相向而立 白氣如羣鳥趣入屯營連結百餘里不絕而徘徊 須臾不見者當有他國來降 氣如黑山似黃雲為緣者 欲降服 敵上氣青而高漸黑者將欲歿散 軍上氣如 燔生草之煙前雖銳後必退 黑氣臨營或聚或散如鳥 將宿敵人畏我心意不定終必逃避逼之大勝

凡白氣從城中南北出者不可攻城不可屠 城中有黑 雲如星名曰軍精急解圍去有突兵出客敗 城上白雲 如旌旗或青雲臨城有喜慶黃雲臨城有大喜慶 氣青

色從城中南北出者城不可攻或氣青色如牛頭觸人者 城不可屠 城中氣出東方其色青此天城不可攻 白 氣從城中出青氣從城北入及回旋者軍不得入 攻城 圍邑過旬不雷不雨者為城有輔疾去之勿攻 城上氣 如煙火主人欲出戰其氣無極者不可攻 城上氣如雙 蛇者難攻 赤氣如杵形從城中向外內兵突出主人戰 勝 城上有雲分為兩彗狀攻不可得 赤氣在城上黃 氣四面繞之城中大將歿其城降 城上赤氣如飛鳥如 敗車及無雲氣士卒必散 城營中有赤黑氣如狸皮斑 及正赤者軍破 城上氣上赤而下白或城中氣聚如樓 出見於外城皆可屠 城營中有雲如衆人頭赤色下多

死喪流血 城上氣如灰城可屠 氣出而北城可尅
氣出而東城可攻 氣出而西高城可降 氣出復入城
中人欲逃 氣出而覆其軍軍必病 氣出而高無所
止用日久長 攻城之次有黑氣繞城城必破 白氣如
蛇來指城急攻可得白氣從城指營宜退守 攻城若雨
霽日死風至兵勝日色無光為日死 攻城若雨濛霧黑
日色無光者主勝勿攻 雲氣如雄雉臨城其下必有降
者 濛氛圍城而入城者外勝得入 有雲如人立之狀
或如牛立圍城上者氣如虹向城者城可攻 城上之氣
不見於外者不可攻 雲氣形似禽獸客吉主人忌之
赤氣從城上出者兵內勝宜避之 有雲如丹虵墮軍後

大戰殺將 凡城中有諸氣從城中出入吾軍上者此敵
家氣也濛氣繞城不入者外城不得

凡軍上有黑氣彷彿如樓渾渾圓長赤氣在其中其下必
有伏兵白氣粉絮起如樓狀其下必有藏兵萬人皆不可
輕擊 伏兵之氣如幢節狀在烏雲中或如赤杵在烏雲

中或如烏人在赤雲中勿先動 軍行近山林坑谷間當
善探動靜既是伏之地而又有氣者伏兵不疑 雲氣紛
紛相連及似蒿草數尺此以車騎為伏兵 雲如布蘆之

狀及似蒿萊盈尺許此以步卒為伏兵 黑圍之中有赤
氣為伏兵赤雲為火星為殺氣亦有伏兵青為憂氣黑為
死氣白為兵氣黃為和氣凡氣潤光明則吉黃為喜氣惟

散枯灰馬肝色卽爲惡氣 凡赤雲所臨之方下必有伏
兵青爲憂氣黑白爲兵氣汗灰氣色俱爲惡氣散散漫漫
不爲大災凡殺人千百氣色必感於天結爲雲氣如驚虹
蜺王災軍兵亂走

凡暴兵氣白如瓜蔓連結部隊相逐須臾罷而復出至八
九來而不斷急賊卒至宜固防之 白氣如仙人衣千萬
連結部隊相逐罷而復興如是八九者當有千里兵來視
所起備之 黑雲從敵上來之我軍上欲襲我敵人告發
宜備不宜戰 壬子日候四望無雲獨見赤雲如旌旗其
下有兵起若徧四方者天下盡有兵若四望無雲獨見黑
雲極天天下兵大起半天半起三日內有雨災解 敵欲

來者其黑氣上有赤氣下有氛零中天而下敵必至 雲
氣如旌旗賊兵暴起 暴兵氣如人持刀楯雲如人赤色
所臨城邑有卒兵至驚怖須臾去 赤氣如人持節兵未
息 雲如方虹有暴兵 赤雲如火者所向兵至 天有
白氣狀如匹布經刃未者天下多兵 有雲如胡人列陣
天下兵起 有雲如狗四五相聚圍者兵起

凡四方常有大雲五色具者其下有賢人隱 青雲潤澤
蔽日在西北爲舉賢良 雲氣如亂攘大風將至視所從
來避之雲甚潤而厚大雨必暴至 四始之日有黑雲氣
如陣厚重大者多雨 氣若霧非霧衣冠不雨而濡見則
其城帶甲而趨 日出沒時有雲橫截之白者喪烏者驚

三日内雨各解 有黑氣入營者主疾病又主兵相殘
有赤青氣入營者兵弱驚恐 有黃氣入營主兵和解
有雲如蛟龍所見處將軍失魄 有雲如鵠尾來陰國上
三日凶 有雲如日月暈赤色其國凶青白色有大水
有雲狀如龍行國有大水人流凶 有雲赤黃色四塞終
日竟夜照地者大臣縱恣 有雲如氣味而濁賢人去小
人在位

凡戰氣青白如膏將勇大戰 氣如人無頭如死人卧敵
上氣如丹虵赤氣隨之必大戰殺將 四望無雲見赤氣
如狗入營其下有流血 有雲似城牆堅固之象在我軍
上大勝在敵軍上不可攻 軍行有雲如猛虎前有伏兵

急宜準備 有白雲捧日而脚下垂者大凶 有白黑雲
捧月而脚下垂者驚陣殺人不已過三日後戰即勝 雲
如駱駝如獅子如虎如龍如鬪牛皆猛將之勢在我軍上
勝在敵軍上勿攻戰 雲如驚蛇或四或五亂走而出者
敗軍之氣在我軍上勿攻戰在敵軍上戰大勝其賊亂走
攻破城寨或有伏兵慎防之 雲如野馬向前行在我軍
上勝在敵軍上勿戰大凶 雲如彎弓如射箭如怒氣如
魚鱗涌起不散在我軍上大勝在敵軍上不可用兵 雲
如驚鳥三三五五棲止不定此亂氣也在我軍上勿用兵
在敵軍上戰大勝 雲如羣羊亂走三日必有大風塵霧
雨雹即令兵卒修葺營壘以防水火之變 雲如噐臺在

我在彼兩軍皆傷勿交戰器臺者如食器倒皮臺面下廣上銳中聳而兩端殺也 雲如束帛鋪列兩兩而比如獻納之狀或有一段顏色先赤後黑或白先小輪後乃大勝雲如美女為喜氣在我軍上有喜至必勝雲如投拜終和釋 雲如敗甲如死人偃卧如人無頭兩兩僵尸在地者如人荷枷如列鈇鉞者皆大敗在敵軍上宜攻戰 雲如死人頭三五在地者大將合斬首 雲頭兩分斷上將有二心速宜和釋否則背反 雲如兩人相揖在我軍上有私通降敵者在敵軍上是敵將投降 雲如兩人對立有交通議和在我軍上防有反叛在敵軍上有投拜 雲如兩蛇中交而首尾異處分向四隅四方雲銜其間列若

八卦圖式者在我軍上我敗在敵軍上敵敗 有雲斷頭如兩旗前後相隨如兩人執鉞前導皆叛軍之氣慎防其變在敵軍上敵來投降 見上下有雲三四段上下疊見而雲分開半從左半從右若相反者名鐸背陣又有雲一段更有薄雲疊出其上附之若相索者又有雲形如太山又有雲如脚兩開均停者在我軍上大勝在敵軍上不可用兵 雲如愁眉相對兩軍不利勿交戰 赤雲兼五色祥雲在我軍上三人引兵大勝在敵軍上勿往戰 雲如亂髮名愁雲日月無光又有雲氣六段各另雲脚竄亂為敗氣在我軍上戰不利在敵軍上攻戰大勝 雲如人形披髮蓬首躡肩而走為敗亂之氣戰則軍亂走 軍行忽

見雲如橫木過其上或白或黑或黃爲伏兵之氣宜謹防
備如在我軍上戰則大勝在敵軍上勿戰 雲氣四段四
面對峙如迎營者可攻 團雲如一石黑吉赤敗黃可戰
雲如血盆三五成列上赤下黑者雲如缺斧無數顛倒
錯置者皆敗軍之氣勿出兵在敵營上宜戰必勝 白雲
如羣羊驟雨之兆急遮蓋營廠或赤雲徑然來決定交戰
急宜防備 進軍之時雲氣順隨我軍者宜急戰若雲氣
忽散則凶 雲氣低覆似人形來者賊軍謀我 雲似虎
或似狗穿連似匹練而來者衆師偷營 赤雲連綿似長
蛇而斷續者外國賊起謀叛中國戰在秋 雲往來如兩
龍相爭在彼軍上我勝 雲似鳥盤旋在其中者大吉忌

見黑雲復見 赤氣如繖蓋覆於軍上千里內戰有慶千
里外戰有憂黃氣臨營西向東戰竝凶北向吉 赤氣隨
日出軍必有憂隨日沒外必告吉 赤氣漫漫如血色者
流血之象 赤氣如火形見者臣叛其君不過三朝 赤
氣如龍蛇在山頭上又夜光見者臣離其君爲客所傷人
民流移之象 黑氣如死人頭在彼營上敵有所獻且求
降宜許不許必戰切戒士卒必多死傷 黑氣如牛馬龍
蛇變化夷兵欲叛宜遣兵伺候又有讒言爲慝 黑雲如
積土在我軍上敵來襲我我必堅守經月敵心離而後戰
大勝

凡出軍東伐有白雲西來隨而擊之勝若赤雲東來逆軍

者敵勝 凡敵在東方白雲東去而又有雲東來相迎須
吏掣過雲去而風隨至望之狀如龍虎若在我軍皆大勝
雖雲從而風逆者勿戰 凡有雲氣橫來兩軍未合急先
設伏戒嚴防有將士逃去若黃氣橫我軍上宜舉兵不可
遠戰主士卒懼人有遁心罷軍吉 凡兩軍相當彼軍上
有赤氣如匹帛廣長數十丈其下色黃白必有背叛者晝
見在將佐夜見在士卒宜備之 凡被圍平旦視圍上氣
鬱鬱如火光芒勢翕翕然起於其方則其方有救至否則
無救 軍行有白氣如虹者軍大驚宜避之南北如陣國
將有憂不則有大水為害白雲白氣極天南北如陣有慶
黑雲東西如陣有憂若天氣蒼蒼然東西極天移日不動

者為憂深此以戊巳日出為災赤雲臨圍上東西如陣者
敗 城營有五色霞氣者敗軍之兆 霞氣青黃或赤白

者皆吉 雲霞作龍虎相交者必大戰若來逐我則彼軍
凶 夏至有妖雲貫日客兵強盛

凡攻城之次有雲西北乾上來者後三日本位有大風其
城有大戰不可攻攻之損將 坎上有黑雲上有白雲不
久合雨不可攻 艮上雲如山上黃後若天色變土物者
其城必破 巽上有赤雲上有白色漸漸於雲中西北行
者合損兵卒再急攻其城破之 離上有赤雲名曰困雲
後五辰有東風起一時而住六十日無陰雨重賞以戰必
破之不則損兵將 坤上有黃雲下有黑雲來益城頭上

其中定有苦戰 兗上有白雲蒼蒼如掃帚往城上過必
拜降也 攻城之次東有青雲往西行後二辰有南風於
南面急攻破之北方不可攻損將 攻城之次有雲如樓
閣五色必有救兵來助 雲如龍蛇之形城必破 雲如
惡風相哮吼者必有苦戰寅夜有賊劫營宜謹防備 雲
如瓊花亂落者為敗兵之雲守三日攻之必破

凡以敵國姓音或主將姓音占雲氣商音黑白雲或青雲
吉黃雲半吉赤雲大吉 宮音黃雲吉白雲凶 角音黑
雲吉黃赤白皆凶 徵音赤雲吉黑雲凶 羽音黑雲吉
黃赤雲凶

宮雲似風聲商雲似鍾鳴角雲如千萬人聲徵雲如羣羊

多聲羽雲似鴉聲

凡遇四方盛氣無向之戰甲乙日青氣在東方丙丁日赤
氣在南方庚辛日白氣在西方壬癸日黑氣在北方戊己
日黃氣在中央四季戰當此日背之吉日中有黑氣君有
小過而臣不諫又掩君惡而揚君善故日中有黑氣不明
也

凡軍前雲氣克日于者凶甲乙日忌白雲丙丁日忌黑雲
戊己日忌青氣庚辛日忌赤雲壬癸日忌黃雲皆敗軍之
兆宜堅守勿戰

凡行軍有青雲覆其上經時不散遇敵必勝攻城自陷若
五月七月見之自損兵馬

凡寨中有黃雲在青雲之上是夜必有小將逃遁若青雲在黃雲上當夜必有小將來攻宜預防之

凡安營有黑雲如鳴雞狀與營門相對宜移營高阜天必大雨河水泛漲防有沉溺之患

多續陰雲必無續

戊甲乙日青廉丑東丙丁日赤

戎事類占卷之十八

豫章李克家嗣宗甫輯
新安孫汝澄無撓甫校

蒙霧類

陰陽氣亂而為霧霧者百邪之氣本於地而應於天是謂陰來冒陽其占為臣蔽主明小人擅權不利於上蒙者濛濛日不明也又曰在天為蒙在地為霧日月不見為蒙前後人不見為霧陰陽交錯邪正相干人君不悟必有亾國又曰霧者水脉也

京房易傳曰蒙霧霧上下合也蒙如塵臣私祿及親茲謂网辟厥異蒙其蒙先大温已蒙起日不見 行善不請於

上茲謂作福蒙一日五起五解 辟不下謀臣辟異道茲
謂不見上蒙下霧風三變而俱解 立嗣子疑茲謂動欲
蒙赤日不明 德不序茲謂不聰蒙日不明温而民病
德不試空言祿茲謂主竄臣天蒙起而白 君樂逸人茲
謂放蒙日青黑雲夾日左右前後行過日 公不任職茲
謂怙祿蒙三日又大風五日蒙不解 利邪以食茲謂閉
上蒙大起白雲如山行蔽日 公懼不言道茲謂蔽下蒙
大起日不見若雨不雨至十二日解而有青雲蔽日 祿
生於下茲謂誣君蒙微而小雨已而大雨 下相攘善茲
謂盜明蒙黃濁 下陳功求於上茲謂不知蒙微而赤風
鳴條解復蒙 下專刑茲謂分威蒙而日不得明 大臣

厭小臣茲謂蔽蒙微日不明若解不解大風發赤雲起而
蔽日 衆不惡惡茲謂蔽蒙尊卦用事三日而起日不見
漏言亾喜茲謂下厝用蒙微日無光有雨雲雨不降
廢忠惑佞茲謂亾蒙天先清而暴蒙微而日不明 有逸
民茲謂不明蒙濁奪日光 公不任職茲謂不緇蒙白三
辰止則日青青而寒寒必雨 忠臣進善君不試茲謂過
蒙先小雨雨已蒙起微而日不明 惑衆在位茲謂覆國
蒙微而日不明一温一寒風揚塵 知佞厚之茲謂庫蒙
甚而温 君臣故弼茲謂悖厥災風雨霧風拔木亂五穀
已而大霧 庶正蔽惡茲謂生孽災厥異霧此皆陰雲之
類云

凡連陰十日晝不見日夜不見月亂風四起欲雨而無雨
名曰蒙臣謀君故曰久陰不雨臣謀主 霧氣若晝若夜
其色青黃更相掩冒乍合乍散臣謀逆者喪 山中冬霧
十日不解者為欲崩之候 凡霧氣不順四時逆相交錯
微風小雨為陰陽氣亂從寅至辰巳止周而復始為逆者
不成積日不解晝夜昏暗天下欲分離 凡天地四方昏
蒙若下塵十日五日以上或一月或一時雨不沾衣而有
土名曰霾語曰天地霾君臣乖不大旱外人來 凡陰晦
不見日星昏濛氣襲人慘慘傷傷者兵亂之氣 凡霧連
五日不風不雨其地亂兵起 日出而霧連五六日巳上
期六十日兵起 日中霧起至昏不止其地易主 四時

日出即有霧其地大擾 凡霧氣四合百步不見人名曰
晝昏不有破國必有滅門 凡霧從夜半至日中不開遂
上為蒙者臣行奸政於民而君不悟也蒙從夜半至日中
不解遂合為霧者君行邪政於民而臣不諫也日中似雨
者臣強不避君也 霧乍合乍散臣有謀逆不成自亾
霧從四方來合於中即為兵起 晝霧夜明臣志得伸夜
霧晝明臣志不伸 霧終日終時君有憂色黃小雨白言
兵喪青言疾黑有暴水赤有兵喪又黃言土功或有風
霧下色如黃土名曰黃霧百姓奔亾又曰黃霧四塞國
亂兵起又曰黃者日上黃光不散如火然有黃濁氣四塞
天下救賢絕道故災異至絕世也傳曰聞善不與茲謂不

知厥異黃 霧四面圍城必有兵不出其日至城下無兵
不出百日兵起 白霧四面圍城霧不入城城不可攻霧
入城其城必亾 對敵時有霧來似雨紛紛入眼彼軍馬
步一時來也宜防備吉 兵發之日霧從敵邊來者此爲
天泣血當駐泊犒軍則吉 久陰霧色帶紅更被黑風吹
者上吉 城營上有霧似懸屍急移營吉 軍營內久霧
連朝晝夜不開出軍必敗 城營內大霧起城頭白色沙
烟兵戰有喜 青黃霧騰罩山川乍開乍合者防詐僞
凡攻城有霧西北來帶青色漸漸向軍來名曰天赦主上
成功可賀 兩軍相當有霧即日有微雨者客勝霧而不
雨主人勝 霧已除而氣彌天者賊多精明者賊少 凡

大蒙連三日狡猾起 赤霧如塵沾衣寇亂兵起 軍中
氣非雲非煙非蒙非霧形如禽獸主人忌之 凡霧氣四
合有虹各見其方隨四時色吉非時色凶 白虹出霧中
奸臣謀君擅權立威又曰虹出霧中其年兵起 晝霧白
虹君有憂夜霧白虹臣有憂虹頭尾至地流血之象

凡霧春以甲乙寅卯日氣色青出東方向四季者客勝
夏以丙丁巳午日氣色赤向西行客利主人凶 四季以
戊己辰戌丑未日氣色黃向北行客利主人內亂 秋以
庚辛申酉日氣色白向東行客利先舉兵勝後舉兵敗
冬以壬癸亥子日氣色黑向南行客勝 春三月清旦霧
起再沉過三見命曰三帝謀兵不出六十日兵起 夏三

月卯時霧起再沉至三不出二百日兵起 秋三月暴風甚雨霧朝夕見至三不出一年兵起 冬三月疾風暴雨狀如大雪至三見不出百日兵起 春乙卯日霧兵起東方 夏丁卯日霧兵起南方 秋辛卯日霧兵起西方 冬癸卯日霧兵起北方 凡甲乙日霧人疾病丙丁日霧有旱戊巳日霧土功興軍在外則有拔城庚辛日霧有兵壬癸日霧有水 凡子日有霧馬馳人走四時同然 亥日有大霧從子卯上來賊至邊城急防之 戊午日霧起累日不解兵起若兵在外有攻戰 十月壬癸日霧赤色其地有兵 冬三月庚子日霧兵革滿野 四時受商之日夜半大霧至日中者兵大起若三日或七日內有雨即解 八魁日陰霧兵大起春見秋發夏見冬發秋見春發冬見夏發霧在其軍中則其邦君死將軍罷八魁日者春巳巳丁丑夏壬戌秋巳丑丁未冬壬寅是也

虹蜺類

陰陽之氣和則為雨露怒則為風雷散則為虹蜺虹者攻也陰氣攻陽氣也蜺者嚙也災氣傷害於物如有所嚙也雄為虹雌為蜺色鮮明者為虹暗者為蜺又曰見於日衝曲而青者曰虹見於日旁白而直者曰蜺虹蜺主內淫主惑心一曰樞星之氣散為虹蜺斗之亂精也斗失則為之又曰填星散為虹蜺一曰白虹者百殃之本衆亂所基又曰清明後十日虹始見小雪之後虹藏不見一曰陰陽不

和虹出五墓之上防前後有伏兵

京房易傳曰雲蜺日旁氣也其占曰后妃有專蜺再重赤而專至衝旱 妻不壹順黑蜺四背又白蜺雙出日中

妻以貴高夫茲謂擅陽蜺四方日光不陽鮮而溫 內取

茲謂禽蜺如禽在日旁 以尊降妃茲謂薄嗣蜺白在日

側黑蜺果之氣正直 妻不順正茲謂擅陽蜺中窺貫而

外專 夫妻不嚴茲謂媒蜺與日會 婦人擅國茲謂頃

蜺白貫日中赤蜺四背 適不答茲謂不次蜺直在左蜺

交在右 取於不專茲謂危嗣蜺抱日兩未及 君淫外

茲謂亾蜺氣左日交於外 取不達茲謂不知蜺白奪明

而大溫溫而雨 尊卑不別茲謂媒蜺三出三已三辰除

除則日出且雨

虹蜺亘天下有大戰一曰后妃陰脅天子 二虹竝見兵

起期二年 二虹俱出五色縱橫妃后相爭女謁盛行天

下交兵 二虹屈出其下大戰亾城 五虹竝見天下大

亂兵起天子黜期三年 方虹見有暴兵起 屈虹東出

下有破軍殺將 日旁有屈虹下有大戰流血 虹出日

暈中有拔城 虹出橫至上反入直而不曲不出九十日

城中多病亾大旱民流亾 虹直上行所出之方大旱民

多妖言病亾 青虹東西極天兵起 虹三日不散不出

一年大兵起 赤虹從天直下國亂無主 赤虹如杵將

亾君亾流血成川 赤虹冬出其野有戰糴大貴 赤虹

與日俱出其野有急兵所臨之國有憂不可舉事用兵
白虹見諸侯兵起 白虹如杵萬人死其下 白虹首尾
至地有流血 白虹暮出國易政 白虹夜出其年大兵
起 白虹從地中出其地大饑有大兵流血 白虹分裂
為四五段大戰流血 白虹長十餘丈大如杵上下銳或
直或曲皆為大戰流血從所指擊之勝 白虹屈曲見城
上有大戰 白虹繞城不匝謹守其闕 白虹出軍上軍
中有亂 秋三月有白虹出西方兩軍相當急陳兵以待
之若赤氣衝之必有獲城 虹蜺狀如日月暈必有破軍
先起者勝 虹蜺五色重疊光照地所出之處兵起 蜺
見九重圍日大將死 兵行之次虹貫路邊前有伏兵

虹見城寨可攻之 虹直入來為疾疫青虹主軍瘴急移
營避之 行軍有虹橋攔路兵當不久却回 虹入軍井
或似鼠形見營上交戰大敗 虹如暈或如弓形若白虹
形續斷又兼五六見於城營者有血光 攻城有虹從外
入飲城中者從虹攻之勝 軍行之次有虹橫於前當即
駐兵鳴金吹角以讓之待虹滅進發 軍行見長虹在軍
前飲水兵馬若從所飲水處渡河大凶即宜却退五七里
住營虹滅進發望別路避虹先飲水處濟軍吉 虹從營
中飲水流血荒墟將軍病死移之吉 夜間虹犯北斗口
若拖錦之狀三日內必有敵人素裝假作使命來入營作
應宜令精兵伏於帳內待之必擒其將

雨電類

雨者天地之施陽制於陰則為雨也山體陽通於天氣出雲靄以成雨天低氣昏游氣蔽天日月失色雲氣四合星宿光昏翻白頭髮潤柱礎濕蟻封穴鵲洗澡月暈月入畢入軫燈焰禿日底烏雲如山烏猪渡河散入河中白雲橫於日月北斗之下雲飛揚不斷大風吹雲東方而起黑霧相接皆雨之兆

凡太和之世雷雨必作於巳午陰生之後至夜而止若恒作於子丑寅卯至午而晴者為亂為兵凡先風後雨為順先雨後風為逆雨止而風雷不止雲霧不散者國亂人災又曰五岳之雲觸石而起膚寸而合不崇朝而雨雨三日

為霖久雨為霖小雨為霖霖暴雨為凍

凡朔晦弦望雲氣四塞者皆雨 黑氣如牛彘有暴雨

黑氣如牛馬不出三日大風雨 黑氣如羣羊奔如鳥迅

飛必雨 黑氣如覆船於日下者立雨 蒼黑氣細如綿

蔽日者雨 雲如兩人提鼓持桴者有暴雨

凡六甲日雲氣四合當日雨無雲一句少雨 凡四時卯

日雨穀貴 戊午日雨霖三日止其下大戰 戊申日候

日欲入時日上有觀雲不問大小視四方黑者大雨青者

小雨 乙卯日雨旱兵起東方丁卯日雨旱兵起南方巳

卯日雨旱兵起中央辛卯日雨旱兵起西方癸卯日雨旱

兵起北方 雨三日以上時刻不巳有陰謀 凡雨作於

四時王相之日草木榮茂死囚休廢之日雖雨不生物
正月一日雨從西方來兵起 二月九日至十五日當雨
不雨兵起 三月九日至十五日當雨不雨兵在外者罷
四月二十一日當雨不雨兵起東北千里 五月十一
日至十七日當雨不雨西方千里外有兵喪 六月二十
七日當雨不雨人饑 七月二十五日當雨不雨兵起外
國 八月晦日雞鳴雨兵起 一夜半雨所在寇盜 九
月十二日當雨不雨民多死 十月二日當雨不雨兵起
西北方 十一月四日當雨不雨魚行人道 十二月四
日至六日當雨不雨大旱
恒雨君貌不恭陰謀於上一日天子居喪不哀游田奢侈

土木繁興 天久不雨兵役相仍百姓勞怨 陰晴復合
久不解寵任奸黨阿附邪淫 晝晴夜雨久不解臣擅君
權 晝雨夜晴久不解君德昏昧 無雲而雨君敬不肅
國有兵災 一曰軍出逢之其軍必還 一曰無雲而雨是謂
血雨將軍當揚兵講武以應之雨大軍中尤甚者將死軍
敗 一曰雨從雲降猶子生於母臣命於君也無雲而雨則
母道絕君德失世多災 雨驟水溢百姓怨恨兵起作亂
秋陰常雨君比淫朋刑濫兵起 雲四合雨不勝於日
色不雨雨亦無多 兵始發遇雨驟急立地成泥曰淋屍
宜駐師勿進 兵行日微雨即止名潤軍所向大利若半
晴半雨霧氣迷者須詳慎勿輕進 連日半雨半陰晴營

內有奸人謀叛

雨凝曰電雹雨水也陽之專氣盛陽雨水溫煖而湯熱陰氣脅之不相入則搏而為電盛陰雨雪凝滯而冰寒陽氣薄之不相入則散而為霰故沸湯之在閉器而湛於寒泉則為冰及雪之消亦冰解而散此其驗也故電者陰脅陽也霰者陽薄陰也又曰水有變春雨電寒不降夏雨雹臣作奸秋雨雹臣逆命冬雨雹凡雨雹所起必有欲怨不平之事又曰臣擅法則天雨雹故電皆冬之愆陽夏之伏陰也

兩軍相持而雨雹視風雨之所發順擊之勝 軍行而雨雹天不順也不避必敗 雹下毀瓦殺雞犬牛馬臣不用

命擅作威福 雹下如積雪臣謀弒逆 雹下如積冰將為逆 雹下生芒如霜雪君行酷虐 雹下而大風刑罰過度

雷電類

雷者天地之鼓人君之象入能除害出能興利為天拒難折衝之臣春分鼓聲秋分乃收又曰雷應其候使屈者伸蟄者舒此天威之喜也震不應候傷人擊物此天威之怒也逢彼之怒必重以為戒而恐懼修省焉雷發聲於二月收聲於八月謂之應候先時而發後時而收謂之非時陽不閉藏於地則有非時之雷為君德不密政令乖張臣下不伏災變將作又雷為人君之柄秋冬陰勝陽微小人道

長雷發其時小人竊弄國柄制命不自君出陽氣鬱而欲舒陰氣遏而不固則陰陽相薄而為雷又曰正月三陽在下與三陰氣均而勢齊陽持於陰雷不能作二月四陽盛不伏於二陰中陽與陰氣相搏雷遂發聲一曰非時雷賊臣起

正月建寅為震鬼門正月雷鳴謂之失時主疾疫死喪五穀不熟應在所發之方 秋月暴雷為天收百穀虛耗不成 冬月雷鳴陰極生陽臣下叛逆 春一月四日雷歲大熟 夏甲子庚寅辛巳日雷蝗蟲生 秋甲子日雷歲大凶 九月雷穀貴 冬庚戌辛亥日雷正月米貴 子日雷聲不時讒臣在君側又為兵喪子中有危月燕燕

主巧言故稱讒子中有虛日鼠鼠主盜賊故稱賊子屬水主水屬貪狼主兵子為哭星主喪 丑日雷聲不時天子巡幸將相遷易有兵起丑為勾陳天子儀衛丑為牛儀衛遇牛故將巡幸牛為將相雷以動之故將遷易丑為金庫庫動兵出 寅日雷聲不時胡兵起人大災妖言惑眾津梁不通寅為燕分故胡兵起寅居艮艮為鬼門故人災寅有箕宿為口舌故妖言惑眾又為析木之津故津梁不通 卯日雷聲不時王者太子災庶子后災卯有心三星為王太子庶子房為后宮故當其災 辰日雷聲不時有兵天子不安有失土之憂辰有角宿角主兵辰為龍龍遇雷則動故天子不安辰為水土之庫故有失土之憂 巳日

雷聲不時蠻夷動長沙吳分兵饑凶巳中有長沙星故云
 午日雷聲不時天子淫於倡優奢侈無度天怒而火災
 時作午有張宿為文綉樂府又為鶉火故火災 未日雷
 聲不時大水巫蠱作大臣受誅王者庫藏火災歲凶未有
 井宿故大水井有鉞星故大臣受誅又有鬼宿故巫蠱作
 鬼宿積金錢為庫藏未為鶉首故庫藏火災鬼有積尸氣
 故主兵疫人死如山 申日雷聲不時主兵革擾亂將相
 災危申有參宿主兵所震之方兵動參為七將故災及之
 酉日雷聲不時外夷入國西戎燕趙有兵寇邊酉中天
 節主蠻夷昴為西戎畢為邊兵燕趙分野故云 戌日雷
 聲不時王者遷宮室土木興邊兵起火災戌為樓臺震主

動故遷宮室戌中有奎奎為武庫為封豕故邊兵起又有
 土司空故土木興戌為火庫故火災 亥日雷聲不時有
 水災暴寒殺物兵革饑饉亥為六陰之極故水寒居乾屬
 金故殺物兵起

雷聲應候當師出日時而鳴天昭其威兵必大勝 雷聲
 先時起乾方人多疾疫起兌方兵水為災起離方火旱生
 災起震方人死棺貴起巽方螟生傷禾起坎方水災歲凶
 起艮方米貴人死起坤方蝗生米貴 非時之雷以所震
 之日時候其災福 非時雷擊為妄擊獄寃政濫饑疫兵
 災所發之方為兵所起所往之方為兵所討發於東南東
 南兵勝發於西北西北兵勝風勝者尤吉 雷震連日不

止為長擊謂之失信政猛令急民怨盜生 雷先震而電
後陰盛陽微賊臣欲起殺伐弑奪 無雲而雷一聲為寡
助曰天鼓兵亂國危大兵起於所發之方秋冬尤惡又曰
無雲而雷曰天鼓當有暴兵又曰天鼓有音如雷非雷音
在地而下及地其所住者兵發其下 雷震宮府為天怒
政事不公 雷震宗廟為天厭血食不久 雷震宮殿陵
寢倒者國有謀逆社稷成墟 雷聲不發君當振威武
軍發之日雷鳴坎上我凶若居我軍中大吉冬三月忽雷
鳴者客軍利 軍發之日忽雷鳴一聲不宜進軍 軍行
或對壘有雷從我軍起入彼軍中大戰大勝從彼軍來我
軍者敗 軍行日風吼雷鳴三五日血戰 軍行日霧赴

我軍雷逐其後此天神助也大勝之兆 軍中尤多迅雷
者其軍罷 軍營上雷鳴一聲有勅命至 軍帳上忽震
雷一聲宜搜奸伏 營上忽聞聲似雷鳴者有戰爭 雷
擊樹木及諸物在彼軍營難與敵 攻城過旬不雷不雨
城有天助不可攻也
霆者急雷也陰陽相薄激而為霆霹靂者金氣也霹者折
也靂者歷也言所歷皆折也震者戰也所擊輒破若攻戰
也

霹靂大風雨發屋折木小人進賢人黜 大風霹靂君用
讒殺正人 軍中有霹靂聲士卒謀反
電者陽精之發也陰陽擊耀熱氣散而為電先電而雷隨

之者正先雷而後電者陰勝陽也人君失德賊臣將起
電而無雨或電如聚火人君絕命 雷先鳴而後電執法
貪刻 電光晝夜燭地三日不止其所發處兵起 雷既
息或雨不雨而電發於潭洞溪壑之中者龍所為也不占

霜露類

露者陰液也和氣津凝為露立夏九十一日涼風至萬物
始實白露降露凝為霜寒氣從地升也霜者陰精也季秋
始降北斗當崑崙之上氣運注於天下春夏為露秋冬為
霜四時代謝以霜收斂所以成萬物人君刑罰妄行誅殺
不當則天應之以隕霜於春於夏故當降而不降當殺物
而不殺物政弛而慢不當降而降不當殺而殺物政急而

殘在國戒在君相在外戒在守土之官

京房易傳曰興兵妄殺茲謂凶法厥災霜夏殺五穀冬殺

麥 誅不原情茲謂不仁其霜夏先大雷風冬先雨迺隕

霜有芒角 賢聖遭害其霜附木不下地 佞人依刑茲

謂私賊其霜在草根土隙間 不教而誅茲謂虐其霜反

在草下 臣有緩茲謂不順厥異霜不殺

軍中霜成芒角遍於旗鎗之上不可動兵 霜下有聲外

兵來伐 霜晝下刑罰妄濫 霜不降者天氣不下施也

若不恤民之象其占為旱為火災 王者德至大和氣盛

則甘露降

冰雪類

水者陰之盛而水滯者也當冰不冰政失之舒未當冰而冰與當釋而不釋政失之急水以春冰歲凶兵起水以夏冰歲饑民流胡兵起人主憂水以秋水人憂兵起水冬不冰為饑為兵為疫

水三月至九月有冰大兵起 雨木冰陰氣脅木木先寒得雨而冰木冰名木介介者甲甲兵象也有戰

雨陰也雪又雨之陰也陰氣凝而為雪出非其時迫近象也婦專恣臣任政陰氣盛也故非時而雪傳曰夏雨雪戒臣為亂又曰雪本雨也寒甚而空中風結之以成雪過多或非時則為災

凡雪非時兵革將興敗亡之兆 春雪不消外戚專政天

下饑民死 夏雨雪大兵起又曰違天紀絕人倫則夏

雪 秋雨雪兵起歲饑民多死 一曰有奸賊 冬無雪五

穀不成民多災 正月雪三日不消大臣下獄秋穀不成

又曰臣有不奉主命者 二月雪七日不消大臣死 三

月雪經日不消人相食大臣憂 雪附木不着地君聽讒

殺忠良 雪未至地而復上久而復下君欲赦死罪 雪

而溫君釋有罪

而品其難其罪

錄忠貞 雷未至其雨斯止久而無雨其咎歸於罪 雷

日雷發日不出人財食大用憂 雷州木不青此其朝霜

又曰日出不奉主命者 二月雷十日不出大用憂 三

錄不知男女災 五月雷三日不出大用不精其錄不知

雷 煉雨雷其狀最難男多心一日有被規 必無雷正

不難男必心 夏雨雷大其狀又曰對天錄錄入命限夏

戎事類占卷之十九

豫章李克家嗣宗甫輯

新安孫汝澄無撓甫校

五行類

人受天地之中以生和氣致祥乖氣致異莫不於五行見
之故吉凶兆於彼而禍福應於此有德以勝之則凶可為
吉無德以當之則吉乃為凶匪德致瑞物之反常皆足為
妖妖不自作人實興之徵之休咎善必先知之不善必先
知之

京房易傳曰有德遭險茲謂逆命厥異寒 誅過淡當奧

而寒盡六日亦為電 害正不誅茲謂養賊寒七十二日

殺蜚禽 道人始去茲謂傷其寒物無霜而水涌水出
戰不量敵茲謂辱命其寒雖雨物不茂 顛事有知誅罰
絕理厥災水其水也雨殺人以隕霜大風天黃 饑而不
損茲謂泰厥災水水殺人 辟邊有德茲謂狂厥災水水
流殺人已水則地生蟲 天子弱諸侯力政厥異水鬪
君酒於酒淫於色賢人潛國家危厥異流水赤 歸獄不
解茲謂追非厥水寒殺人 追誅不解茲謂不理厥水五
穀不收 大敗不解茲謂皆陰解舍也王者於大敗誅首
惡赦其衆不則皆凶陰氣厥水流入國邑隕霜殺穀 君
臣相背厥異名水絕 臣事雖正而專地必震其震於水
則波於木則搖於屋則瓦落 大經在辟而易臣茲謂陰

動厥震搖政宮 大經搖政茲謂不陰厥震搖山山出涌
水 嗣子無德專祿茲謂不順厥震動丘陵涌水出 小
人剝廬厥妖山崩茲謂陰乘陽弱勝強 君不思道厥妖
火燒宮 臣安祿茲謂貪厥災蟲食根 德無常茲謂
煩蟲食葉 不絀無德蟲食本 與東作爭茲謂不時蟲
食節 菽惡生孽蟲食心 祿不遂行茲謂欺厥咎奧雨
雪四至而溫 臣安祿樂逸茲謂亂奧而生蟲 知罪不
誅茲謂舒其奧夏則暑殺人冬則物華實 重過不誅茲
謂亾徵其咎當寒而奧六日也 行不順厥咎人奴冠天
下亂辟無適妾子拜 君不正臣欲篡厥妖狗冠出朝門
有始無終厥妖雄雞自嚙斷其尾 賢者居明夷之世

知時而傷或衆在位厥妖雞生角雞生角時主獨 婦人
專政國不靜牝雞雄鳴主不榮 祭天不慎厥妖鼯鼠噬
郊牛角 子不子鼠食其郊牛 誅不原情厥妖鼠舞門

臣私祿罔辟厥妖鼠巢 上下咸諄厥妖城門壞 廢

正作淫大不明國多麋又曰震遂泥厥咎國多麋 執政

失下將害之厥妖狗生角又曰君子苟免小人陷之厥妖

狗生角 夫婦不嚴厥妖狗與豕交茲謂反德國有兵革

聖人受命人君虜厥應泰山之石顛而下又曰石立如

人庶士為天下雄立於山同姓平地異姓立於水聖人於

澤小人 前樂後憂厥妖天雨羽 邪人進賢人逃天雨

毛 饑而不損茲謂泰厥災木厥咎門牡亾又曰關動牡

飛辟為無道臣為非厥咎亂臣謀篡 枯楊生稊枯木復

生人君亾子 王德衰下人將起則有木生為人狀 棄

正作淫厥妖木斷自屬 妃后有顛木什反立斷枯復生

天辟惡之 君各於祿信衰賢去厥妖天雨草 逆親親

厥妖白黑鳥鬪於國 專征劫殺厥妖鳥鵲鬪 避退有

德厥咎狂厥妖水鳥集於國中 人君暴虐鳥焚其舍

賊臣在國厥咎燕生爵諸侯銷一曰生非其類子不嗣世

尊卑不別厥妖女生赤毛 歸獄不解茲謂追非厥咎

天雨血茲謂不親民有怨心不出三年無其宗人又曰佞

人祿功臣戮天雨血 有聲如鍾鳴令不修本下不安金

毋故自動若有音 衆逆同志厥妖河魚逆流上 海數

見巨魚邪人進 衆心不安君政厥妖豕入居室 興淫
役奪民時厥妖牛生五足 經稱觀其生言大臣之義當
觀賢人知其性行推而貢之否則爲聞善不與茲謂不知
厥咎孽厥災不嗣又曰良馬逐逐進也言大臣得賢者謀
當顯進其人否則爲下相攘善茲謂盜明厥咎亦不嗣至
於身僂家絕 忠臣進善國不試厥咎國生賊 衆心不
安厥妖龍鬪 有德遭害厥妖龍見井中 行刑暴惡黑
龍從井出 立嗣子疑厥妖蛇居國門鬪 方伯分威厥
妖牡馬生子亾 天下諸侯相伐厥妖馬生人 一曰諸畜
生非其類子孫必有非其姓者 臣易上政不順厥妖馬
生角茲謂賢士不足又曰天子親伐馬生角 君暴亂疾

有道厥妖長狄入國又曰豐其屋下獨苦長狄生世主虜
冢宰專政厥妖人生角 女子化爲丈夫茲謂陰昌賤
人爲王丈夫化爲女子茲謂陰勝厥咎亾 一曰男化爲女
宮刑濫也女化爲男婦政行也 幹父之蠱有子考亾咎
子三年不改父道思慕不皇亦重見先人之非不則爲私
厥妖人死復生一曰至陰爲陽下人爲上 妖言動衆茲
謂不信路將亾人司馬死 睽狐見豕負塗厥妖人生兩
頭下相攘善妖亦同人若六畜首目在下茲謂亾上政將
變更凡妖之作以譴失正各象其類二首下不壹也足多
所任邪也足少下不勝任或不任下也凡下體生於上不
敬也上體生於下媒瀆也生非其類淫亂也人生而大上

速成也生而能言好虛也羣妖推此類不改乃成凶也
 地震者陽伏而不能出陰迫而不能入陰陽相擊故震又
 曰地陰也法當安靜越陰之職專陽之政故應以震又曰
 陰乘陽弱乘強又曰陰背陰則地裂羌夷叛又曰地動陰
 有餘臣下強盛 地坼裂士庶分離 裂而有聲四方兵
 起又曰三苗欲滅地坼及泉又曰地裂臣叛 地生白毛
 內外騷動民困歲歉 山鳴天下大亂 營中地動月內
 大戰急宜移營 城營內地陷有凶禍速修省撫卹吉
 軍中地忽生礮石其地吉可久居養士卒 石自移其分
 野亂 軍營纔定川澤原野間或有盤石驀地湧出者大
 吉之兆 營內土地比始至時微 長高者遷陞吉兆

營內地上忽生黃凱旋之兆 營內地忽生毛起錢花及
 馬蹄形迹者急宜回軍 營內地上忽生塵如有震聲者
 三日內還軍 營內生塵及有湧泉出敵人大至 城營
 地上忽生水井此名潤軍克捷之兆 陂澤忽自竭城邑
 空虛 秋水漲有兵起 井忽溢或濁或沸有聲將帥亾
 井沸或有聲或溢或龍見井中皆大敗急宜移營 井
 中氣直上兵起 營內氣出應中央者獲敵之兆 城營
 內忽生火焰大敗之兆

木非時枯落是謂金刑木不出三年有暴兵從外國來
 枯木冬生是謂陰陽易位 木生一夜盈尺凶 木卒生
 道中木忽自鳴作金聲地將分裂 軍壘中草木自死者

凶 軍中地忽生五穀一軍受賞天助之兆 城中樹忽
萎黃吾軍大勝 營側樹忽崩摧軍師敗辱 諸樹木花
不當時者賊欲來圍急宜移營 營内生艾青嫩而香將
軍當病 城營內忽生花草不出旬日兵將俱病
軍行如逢水族魚龍蛟蜃之類皆不吉急宜退避 龍見
城壘及池中必有大臣謀異宜察奸伏 龍鬪軍前必有
交鋒亡命黃龍得勝黑龍偏勝 龍從軍中飲水國將爲
虛 龍冬見於道或鬪邑中其地有爭戰 行軍將軍馬
前忽見大蛇攔道便宜任軍不可進亦不可攻戰不利所
往有鄰人來驚我軍 軍行忽見蛇交者主將凶 軍行
前見大赤蛇者急警備必有交戰 軍行見蛇道中入水

者得敵便利吉 軍營旣成有蛇入營求食者營欲荒急
移營吉在軍隊中有陰謀 蛇集道上及郡邑中有急兵
軍營中多蛇散敗之兆 軍行見蛇在地前有伏兵
有蛇諸色大小自外入我軍者必有外奸來害 長蛇近
營見而飲水急還兵吉 有蛇繞營必有兵來劫寨 蛇
入井敗軍之象 軍行若見蛟蛇急須偃兵宴犒不然上
將當死 蛟蛇見營中青王疾病黃王疫瘴移營則吉
蛇入廳及幕帳中屈盤者勿損之有陰助 軍行路見鼃
鼃或在營寨內者不宜進 營中鼃見防有內謀併大逆
或有水漲速徙去吉 龜蟹入城營中若或有聚蠅億萬
計者軍必敗亡

兵屯次有野狼或鹿子入營急宜殺之祭鼓卽移營吉
狼虎號叫傷人七日內兵大至慎之 狼虎繞營如嗥如
哭大敗之兆 狼直撞入營五日內敵來降 鹿與野猪
從外入營三日內有降人至 營側忽見豪猪必有伏兵
見野猪亦凶俱宜移營 熊能害人及猛獸突入營中賊
必至 軍行忽有豹狼之類猖獗來衝軍凶 野獸突入
軍壘中其軍分 猛獸在軍前行如引道前有城降 營
內忽有獐來七日內大戰殺之吉 麀鹿入軍營兵敗散
急移營去無害 軍行遇有猿猴宜嚴警備 猿猴入軍
壘有奸謀兵起 軍營夜有狐狸豺狼頻鳴者將士欲離
宜移營吉 兵屯之次狸走入軍而夜鳴者有風火伏兵

狐狸走入營中作窠其營將空 狐豹叫鳴環走軍壘
軍敗將辱 狐狼向彼軍鳴急擊之勝若鳴向我軍宜撫
士卒 狼狗入營內有奸兵結外敵 兔入軍營兩軍和
解 兔上城邑必空 軍行卒有白兔破軍殺將 營內
狗爲怪急殺狗血洒戍地深埋三尺以禳之可擒敵將
犬羣會於街中大賊將起一日賊兵至 狗無故上床下
人謀上 路逢白鼠行軍大勝若送軍來則凶 路逢赤
鼠在前有伏兵急宜搜之 營內鼠行尾舒前向軍有災
須醮謝之 營內驀地鼠成隊行主將有禍當禳之 營
內白日鼠搬其子不有火災必有大水急宜移營 營內
鼠在人前舞者必有內奸急宜搜捕 軍中夜被鼠穿地

作穴者移營吉 營中晝夜見鼠走者五日內有水災
鼠巢於木有大水 鼠羣舞於道有兵 鼠無故皆夜去
邑有兵 鼠羣行不畏人晝為饑夜為兵 鼠聚營中軍
破移營無殃 數小鼠聚見軍中將有反者 鼠咬將軍
服襖有喜 營內鼠咬屋椽楹或向屋搬出土者移營前
進吉 營內血染衣冠或鼠咬旗鼓皆不利宜禳之移寨
鼠咬兵仗主破傷 鼠嚙人足有敗仗 軍行野宿鼠
咬旗鼓賊欲來斫營 軍行營陣未罷有鼠作雄雞聲行
營凶 攻城有鼠毛見倉內無糧宜困守之 軍中安營
畢忽有牛馬入營作戲軍敗 牛生兩頭其軍分 牛生
犢人面獸身兵起 牛夜鳴有暴兵 營內馬咬石兼砂

者必有賊兵見獲 馬舞向人休兵凱旋 將帥騎馬之
次無故回頭觸人靴韉嚙人衣服者下有陰謀已成宜防
之 馬廐內天火忽燒大兵必至須備之 營內驢忽夜
鳴必有暴兵劫寨 驢馬相追戲於軍門兵罷 六畜能
言善惡如其言亦為大水

發軍日白鳥忽來迎軍大勝之兆 野鳥飛入營府其軍
將去 鳥巢城上城下不出一年其城被圍 鳥不巢木
多在屋室上此謂失常 眾鳥集水上有兵革 軍在野
有鳥不識名飛入幕中凶移營無災 眾鳥集旗上將軍
有憂 鳥集鼓上將軍病歿 羣鳥夜鳴郡邑有憂 大
鳥殺物於軍前後有大功 眾鳥徘徊軍上必有暴兵不

出三日 羣鳥迎於軍前有暴兵起若戰勝 衆鳥在營
上交飛相擊有戰 衆鳥翔起障日羣下有謀宜警備之
衆鳥宿城上頭向內其城被圍 軍行出郊野有鳥來
迎是謂受福敵人降伏 兩軍相當有鳥飛來漸及高舉
急防銳兵突至攻戰 羣鳥集城上及軍營中鳴噪其地
流血 羣鳥集於軍營前後凶 羣鳥來逆遇軍凶 衆
鳥起軍左還泊軍右賊有伏兵 凡野禽入營敵來攻殺
嚴兵備之 衆鳥飛舞於市邑中有兵 鳥鵲自死於屋
上或軍營上皆凶 大鳥逆行陣上有兵至 衆鳥四向
鳴軍上有暴戰 城營內忽聞鳥鳴三兩聲者有勅命至
臨陣之次鳥向四方鳴則於初鳴向處出軍大勝 如

軍行忽有大鳥來朝旬內立功封爵 臨陣羣飛向彼軍
大勝之兆若自敵軍飛來大凶 兵發之日旗後有鳥鳴
者大勝 軍營內白鳥立旂端相聚者將軍遷陞大吉
羣鳥噪呼作隊又遶營者外兵劫寨 羣鳥隊聚飛去飛
來道上或營中見之大凶 羣鳥相聚忽然驚飛鳴向天
去者不過三日火燒營或有兵劫營宜豫防之 城營內
四面有鳥千百為羣鳴噪而去急宜固守 鳥相擊鬪有
奸爭 鳥集巢而飛必有爭鬪或下吏欲為非 軍行衆
鳥集旌旂者必有大戰勿先起 軍行次有鳥羣飛作隊
橫列而來者必有伏兵冲擊 軍行有鳥立在旌旂者必
有奸人謀害 下營有鳥立樹枝間或在牙旗上整毛羽

者三日內敵計生奸 下營有衆鳥來集外兵突至或諸將爲奸 下營衆鳥集牙旂者急攘之不然大敗 下營有衆鳥羣集其上鳴噪者德鄉慎保無虞若在刑殺之方敗兵流血 軍行有大鳥伏於營前必有大軍來擊 城營內黃鳥赤頭三日內必有災禍及奸邪叛逆 赤鳥入城營及野雉狐狸來防有風火虛驚用黑幟厭之 城營內異鳥忽來有刑禍 城營內衆鳥羣飛翳日障天必有內外將猖狂 臨陣有鳥鳴我軍上凶在彼軍則我勝 彼陣上四面有禽來向我軍勿戰若從我陣向前飛則獲其將 攻城之次有鳥羣飛出城敵軍欲出 有衆鳥飛集彼軍營上敵必棄營遁走不然則舉營潛伏宜慎防之

攻城有紅鳥見城上名熒惑攻之必破 攻城有鳥作猶聲喊或作梟鳴必有門可入戰必勝 攻城有鳥如鳳紅頭白尾錦背一曰單鳥攻之必破 攻城有鳥銜柴落彼軍上不可攻內有糧廣若落我軍上重賞三軍可勝 攻城有鳥落羽於彼軍上其城必陷落我軍上將帥退職 攻城有鳥來啼攻之必破若啼於我軍上謹防冲殺 攻城有鳥於彼上作聲大呼不可攻在我軍上大勝 攻城有羣鳥野雞入營不可攻如殺食之大凶若飛入彼軍攻之必破 羣鵲噪向敵軍攻之大勝噪向我軍宜防敵云或不指敵而鬧噪者主虛驚 有羣鵲所向隨鵲攻之大勝 野鵲衆多先水後旱冬有兵 白鵲白鴿皆是兵

祥不宜攻戰 下營有白鵲入內作巢者兵大起急宜移營 營始定有白鵲入來人相謀害 城營內靈鵲作巢有火災 城營內鴉鵲圍繞必有外兵攻劫或有災病 城營內鴉鵲無故噪呼有兵災 鴉鵲禽雉等飛入帳幕中無聲者必有下人傷害 鵲鵲巢軍營宮室不出三年夷狄來侵 攻城有鷹鵲鴉鵲鳴者不可攻 鴻鴈之屬來翔營府之上或三日羣謀將起大兵且至 軍行見鷹鵲順飛向前所向克捷 軍行見鴈不避鷹鵲鷹鵲亦不攫鴈兩軍不戰而解 鷹搏鵲入軍營必有結義兄弟相圖 城營內有鵲搏鷹者定有好謀戰則損兵 鷹鵲入城營有內奸通外敵若鷹來搏鳥尤凶 鷹鵲逐鳥奔吾

軍前有暴兵來 城營內忽見杜鵑來者應有負冤佞臣謀害良將 軍行上有伯勞鳴者主軍分禍起 伯勞鬧噪軍前不過兩月有大禍至 蝗蟲飛從他處來忽死不出三日兵大起 軍任野有蜂擁集營壘軍必散敗 蜂蝶飛衝入軍有賊衝突 軍行見蜂蝶赤色交飛必有戰并伏兵 蜂聚營內欲動兵不持久 營中卒見衆蜂聚鳴急移營防士卒逃散 攻城有羣蜂飛在營中宜隄備修營 攻城有蜂落我軍中不過十日彼有大將來助不可戰 攻城有螻蛄跳於帥前攻之損兵若入洞穴戰有損 城營內燕鴿或離徙者必有火災凶禍 城營內鷦有鴛鴦降者奸人內變 城營內水鳥或銜魚至門樓臺

屋上者必有大水災 城營內夜靜鳩鳴有衆兵來擊急
宜移營 城營內野雉入軍中在德鄉來則吉若在刑方
來有刺客至 雉相戲軍中及鬪其兵憂 鶯入城營兵
災疾疫 鶯鴨忽作人聲大吉之兆 鴨作鶯聲災非應
起速禳之 城營內雌雞作雄聲或夜鳴者家有禍難
雞聚鳴有大兵 黃昏雞鳴回軍之兆 夜半雞鳴兵行
宜速 攻城有雞飛彼軍上有奸計不可攻 雞不鳴而
生子及異其形皆主兵 燕雀喧鬧爭鬪之兆 城營內
雞鳥聲喧鳥勝我敗雞勝賊敗

凡城門及人家門戶忽夜鳴者有兵 國邑城門無故自
開不出一年兵從中起 小兒里巷相戲以土自壅是爲

熒惑下降不出一年有兵攻城 小兒作旗幡兵仗金鼓
戰鬪嬉戲聚土石爲城壘者不出二年兵起 民作歌謠
戲語善惡如其言 人尚采色妖服兵起 人尚胡服戎
虜相侵 衣服作臭及無故自裂有聲者凶宜棄毀之
婦人好爲窄小服者主兵起 人死復生及牛馬生人皆
主兵起 將軍衣服無故有淚痕者防有奸謀 將軍帳
無故若人搖動者敵兵將解宜速進攻 將軍床帳自動
者凶 將軍帳幕自騰起者毀拆之象急宜回兵 將軍
食次匙筯自動其下行毒 食器中有血大凶宜棄之
大將門廳自鳴下將謀上 城營內擊鼓不能鳴者大敗
之兆移寨則吉 鼓角自鳴必有大軍來擊宜謹備之

大將刀劍自鳴防有刺客奸人 鼓忽自鳴敵人來 金
鼓鳴將有功 城邑中鍾鼓自鳴不出三年有兵 角自
鳴兼出血戰勝 鈴鐸自鳴大勝之兆 旗自搖鼓自鳴
應之天兵相助百戰百勝 軍中金鳴將有功 旗鎗無
故交加自偃者災疫必生宜四門殺犬瀝血以禳之 戈
戟鋒有火光兵起一曰兵刃火出將宜寬恤息戰暴急驕
倨殃及其身 戈矛上忽有火光明者三軍奮力宜獎率
交戰若青燄則為鬼火凶 刀劍生血點戰有功
將軍睡中高語自覺驚寢計謀必有神助之應 將軍眼
睜目動耳鳴忽聾及無故自驚不覺咄嗟淚出者皆下人
有謀慎宜防之 將軍夢雷電軍有驚 夢天上雷鳴破

敵擒王 夢月朗雨霽宜前進 夢日暈下人謀上 夢
霜雪將失勢夏月大凶士卒逃散 夢大道中走及大戰
者有戰 夢食泥土必收城郭 夢波濤大水宜堅守勿
出 夢水乾得小魚半生半死主口舌五日内當戰勝
夢得大魚戰大勝 夢陟高山大勝 夢打鼓大鳴大勝
小鳴小勝不鳴宜固守 夢自身病必加爵困者甚吉旁
有哭者大凶 夢吐嘔有病出 夢牙旗倒折軍威失利
夢走馬快利戰勝行遲者凶 夢身入井者被圍若有
牢獄厄宜撫士卒 夢人遺刀劍利戰必勝 夢身飛颺
者戰勝名聞千里

夢野大魚輝大類 夢刺高山大類 夢竹葉大類

世 夢木葉野小魚半主半客王曰古丘日內當輝類

音成輝 夢食武王必知輝 夢野氣大水宜聖守

音宜輝 夢食武王必知輝 夢野氣大水宜聖守

類王 夢月明山雲 夢日暈不入新上 夢

戎事類占卷之二十

豫章李克家嗣宗甫輯

新安孫汝澄無撓甫校

時日類

歲月日時干支所在宿禽所值星曜所臨神殺所居方位
所向有吉有凶審擇固當吉而勝凶而敗較然明驗若夫
我往彼亾之說其勢所不能遏亦權辭解惑者也遂信以
為常法奚可哉如臨機應變存乎其人必拘拘於禁忌坐
失事宜又非善之善者矣

凡擇日取其旺相日辰制克所攻之方吉若休廢無氣皆

凶

凡出軍攻伐當擇歲月日時為先忌冲太歲金神若為主
候太白辰星東見之日若為客候太白辰星西見之日其
日即避冲旺方 太歲金神甲巳年天金在午未地金在
申酉乙庚年天金在辰巳地金同丙辛年天金在寅卯地
金在午未丁壬年天金在戌亥地金在寅卯戊癸年天金
在申酉地金在子丑

凡出軍忌月建之日損大將

天火狼籍日凶 正五九月子日二六十月卯日三七十
一月午日四八十二月酉日是

八龍七鳥九蛇十虎日凶 春甲子乙亥為八龍夏丙子
丁亥為七鳥秋庚子辛亥為九蛇冬壬子癸亥為十虎

九醜日忌行軍 乙戊巳辛壬之日臨子午卯酉之辰此
是九醜若時更遇殺神臨支干者大凶

往凶歸忌及日月食日並不可出軍 正寅二巳三申四
亥五卯六午七酉八子九辰十未十一戌十二丑為往凶
以丑寅子輪行十二月為歸忌

平日收日為天罡天魁不可用一說閉日為太陰不可用
其方亦不可向

兵禁日不可出軍 正月起寅逆行六陽辰二子三戌四
申五午六辰七又起寅是也

大敗日與咸池日並不宜出軍 咸池日正月起卯逆行
四仲 太白經大敗日春寅午戌夏巳酉丑秋申子辰冬

亥卯未 演禽書大敗日時正七月巳亥二八月辰戌三
九月卯酉四十月寅申五十一月丑未六十二月子午日
時交戰凶 又大敗時甲乙日午丙丁日申戌巳日巳庚
辛日寅壬癸日酉時並凶

四離日 春分秋分夏至冬至前一日曰離不可用占時
月宿更臨四離之辰名曰大寇凶

四絕日 立春立夏立秋立冬前一日曰絕不可用占時
日干臨四絕之辰名曰天禍凶

月厭冲對之辰皆凶 正月起戌逆行十二辰是
受殃日凶 正戌二辰三亥四巳五子六午七丑八未九
寅十申十一卯十二酉是也

龍虎日凶 正巳二亥三午四子五未六丑七申八寅九
酉十卯十一戌十二辰

罪至日凶 正午二子三未四丑五申六寅七酉八卯九
戌十辰十一亥十二巳

飛廉大殺日凶 正戌二巳三午四未五寅六卯七辰八
亥九子十丑十一申十二酉

十惡無祿大敗日凶 甲巳年三月戌戌日七月癸亥日
十月丙申日十一月丁亥日乙庚年四月壬申日九月乙

巳日丙辛年三月辛巳日九月庚辰日十月甲辰日戊癸
年六月巳丑日丁壬年無忌

五反日凶 戊亥為月朔則一日七日十三日十九日二

十五日是申酉為月朔則二日八日十四日二十日二十
六日是午未為月朔則三日九日十五日二十一日二十
七日是辰巳為月朔則四日十日十六日二十二日二十
八日是寅卯為月朔則五日十一日十七日二十三日二
十九日是子丑為月朔則六日十二日十八日二十四日
三十日是

六窮日凶 每月四日十九日二十八日是

天乙絕氣日凶 正月六日二月七日三月八日四月九
日五月十日六月十一日七月十二日八月十三日九月
十四日十月十五日十一月十六日十二月十七日

凡歲旦月旦甲子日為三長吉歲暮月晦癸亥日為三短

凶

大殺日凶 正戌二巳三午四未五寅六卯七辰八亥九
子十丑十一申十二酉

火殺日凶 春室夏觜秋尾冬翼

金殺日凶 春牛夏鬼秋婁冬亢

五不歸日凶 巳卯辛巳丙戌壬辰丙申巳酉辛亥壬子

丙辰庚申辛酉

八絕日凶 庚辰辛巳丙戌丁亥庚戌辛亥丙辰丁巳

滅沒日 以官曆上所註虛日為滅盈日為沒此非天地
之全氣不可舉事用兵選擇書所載弦遇虛宿晦遇婁宿
朔遇角宿望遇亢宿虛遇鬼宿盈遇牛宿為滅沒日者非

是

八專日 丁未癸丑甲寅乙卯巳未庚申行軍出陣安營
並凶

五不遇日 正戌二亥三午四未五寅六卯七辰八巳九
子十丑十一申十二酉日是不宜追捕

五不遇時行兵大凶時干克日干是如甲子日庚午辛未
時也

天地爭雄日 正巳午二亥子三丑未四子丑五未申六
丑寅七申酉八寅卯九酉戌十卯辰十一戌亥十二辰巳

忌行軍立寨
伏尸日 春申酉夏丑寅秋戌亥冬辰巳忌出軍

血光日六旬不用 甲子旬不用卯巳未申甲戌旬不用

寅辰午未甲申旬不用酉戌丑卯巳甲午旬不用未酉戌

亥丑甲辰旬不用午未酉亥子甲寅旬不用卯巳未酉亥
日行軍凶

旬中空凶 甲子旬空戌亥甲戌旬空申酉甲申旬空午

未甲午旬空辰巳甲辰旬空寅卯甲寅旬空子丑忌行軍
出陣

截路空凶 甲巳日申酉時乙庚日午未時丙辛日辰巳
時丁壬日寅卯時戊癸日子丑時忌行軍出陣

猖鬼敗凶日 丁卯戌辰戌寅辛巳戌子巳丑戌戌巳亥
辛丑庚戌戊午壬戌日勿用

天番地覆時 正月巳日亥時二月辰日戌時三月申日
酉時四月巳日申時五月丑日卯時六月子日午時七月
亥日酉時八月戌日辰時九月卯日酉時十月午日辰時
十一月寅日未時十二月巳日卯時遇此日犯此時凶
流血時 寅申巳亥月辰戌丑未時子午卯酉月寅申巳
亥時辰戌丑未月子午卯酉時交戰大凶
白虎頭日 每月初二初十十八二十六日是出軍破賊
大勝
凡出軍寶日大吉次義日次和日又次制日利以戰勝伐
日凶敗寶于生支也義支生于也和支于比也制于克支
也伐支克于也

亭亭白奸囚於巳亥格於寅申其時不可舉事用兵亭亭
與白奸同辰為囚 亭亭方正卯二辰三巳四午五未六
申七酉八戌九亥十子十一丑十二寅 子日在巳丑日
在午寅日在未卯日在申辰日在酉巳日在戌午日在亥
未日在子申日在丑酉日在寅戌日在卯亥日在辰 正
月子時在丑二月子時在寅三月子時在卯四月子時在
辰五月子時在巳六月子時在午七月子時在未八月子
時在申九月子時在酉十月子時在戌十一月子時在亥
十二月子時在子每月起子至亥俱以次順行十二位亭
亭者貴神可背不可向 白奸方寅午戌月日在亥亥卯
未月日在寅申子辰月日在巳巳酉丑月日在申 正五

九月子時在巳二六十月子時在申三七十一月子時在
亥四八十二月子時在寅每月俱以次順行十二位白奸
者奸神可向不可背

伏斷日 子日虛宿丑日斗宿寅日室宿卯日女宿辰日
箕宿巳日房宿午日角宿未日張宿申日鬼宿酉日觜宿
戌日胃宿亥日畢宿出軍凶設伏吉 暗金伏斷日亦宜
設伏若行軍出陣凶太陽星值年巳日逢房宿是太陽星
值年子日逢虛宿未日逢張宿是火星值年酉日逢觜宿
寅日逢室宿是水星值年辰日逢箕宿亥日逢壁宿是木
星值年午日逢角宿是金星值年丑日逢斗宿申日逢鬼
宿是土星值年卯日逢女宿戌日逢胃宿是假如萬曆丁

酉年金星值年遇申日得鬼宿便是暗金伏斷齊到日其
值年之法七曜輪流週而復始如前始太陽終土星又從
太陽起輪行如萬曆丁酉年金星則戊戌年土星巳亥年
太陽庚子年太陰丁丑年火星壬寅年水星癸卯年水星
甲辰年金星乙巳年土星丙午年又起太陽餘放此 暗
金伏斷時其法以官曆日下值日之宿推之如其日角宿
值日角屬木木從氐則於子時起氐丑房寅心卯尾辰箕
卽辰時爲伏斷巳斗午牛牛屬金卽午時爲暗金亢宿值
日亢屬金金從奎則於子時起奎丑婁屬金卽丑時爲
暗金寅胃卯昴辰畢巳觜午參未井申鬼鬼屬金卽申時
爲暗金伏斷齊到時如氐宿值日氐屬土土從翼起子房

宿值日房屬太陽太陽從虛起子心宿值日心屬太陰太陰從鬼起子尾宿值日尾屬火火從箕起子箕宿值日箕屬水水從畢起子以例推之則斗奎井皆屬木從氏起子牛婁鬼皆屬金從奎起子女胃柳皆屬土從翼起子虛昴星皆屬太陽從虛起子危畢張皆屬太陰從鬼起子室觜翼皆屬火從箕起子壁參軫皆屬水從畢起子竝同演時禽法放此凡遇子虛丑斗之類即為伏斷亢牛婁鬼為暗金用其時埋伏勦殺大勝 凡演禽法年禽以嘉靖甲子歲為中元係太陽虛宿值年虛日鼠為符頭萬曆己卯歲太陰張宿值年張月鹿為符頭甲午歲火星室宿值年室火猪為符頭數至丁酉歲係婁金狗是為金星值年輪至

己酉歲軫水蚓為符頭若月禽則太陽星值年正月起角太陰星值年正月起室火星值年正月起星水星值年正月起牛木星值年正月起參金星值年正月起心土星值年正月起胃輪行十二月各得本月禽若日禽則一元甲子起虛己卯張甲午室己酉軫二元甲子起奎己卯亢甲午胃己酉房三元甲子起畢己卯尾甲午參己酉斗四元甲子起鬼己卯女甲午星己酉危五元甲子起翼己卯壁甲午角己酉婁六元甲子起氏己卯昴甲午心己酉觜七元甲子起箕己卯井甲午牛己酉柳所謂七元者七周六十甲子六七四百二十日輪行二十八宿一十五次周而復始起於虛宿故也其甲子己卯甲午己酉為四符頭每

一符頭管十五日但看官曆上甲子日下值虛宿便是一元奎二畢三鬼四翼五氏六箕七皆同若時禽日虛月鬼火箕水畢木氏金奎土翼起子時若番禽則以用時宿禽為本地却將符頭就本地尋時禽泊處逆還本地得他人禽假如用一元壬午日子時日禽角木蛟木起氏即子時禽為氏土貉壬午日係巳卯符頭張月鹿管但以張從子時本地上順尋氏宿泊巳還從巳上逆轉到子本地得斗木獬為番他人禽也若其日用丑時番得女士蝠寅時番得危月燕為他人禽每一時只隔一位亦可順求又若活曜則以所用時禽看屬何星依起法從寅上逆轉尋本時禽在何地即就其地起本時禽順行到用時本地上得何

禽便是假如前壬午日子時禽為氏土貉土從箕以箕起寅上逆行二轉還到寅上遇氏又自寅上起氏順轉到用時子本地上遇室火猪是為活曜亦我禽也起法日畢月尾木虛火奎土箕金牛水氏若星禽飛泊則日起午月起未火起寅金起巳水土起申木起亥順行輪山水田園井刀天草岸峰湯火十二字飛到用時本地上即為時禽泊處假如前壬午日子時係氏土貉土起申從申起山飛至子本地上為井乃泊於井貉所畏也蓋日禽眾家禽時禽本身禽番禽他人禽日禽初傳時禽中傳番禽末傳初傳過去事中傳見在事末傳未來事又番禽為天禽時禽為地禽凡使禽須要我禽高強有氣飛泊得地能制番禽

乃可并畢最強箕尾次之 角木蛟食燕蝠牛鼠獬畏狂
鳥愛雞雉喜水天郊野忌田園草岸山刑刃 亢金龍食
蝠鼠燕獬牛畏狂鳥與虎戰喜水天忌刑刃 氏土貉食
雉雞猪猴猿畏獬狂羊豹虎狼狗鹿蛇愛狐喜山田草峰
郊野忌天岸刑刃 房日兔食蛇蚓畏狼狗虎豹獬猴愛
雞喜山園峰郊野忌水天岸刑刃 心月狐食雉雞獬貉
狂猪蛇逐鳥畏虎豹狗猿鼠喜田野山峰忌水天刑刃禽夜
尾火虎食雉雞獬馬狗貉鹿兔蛇獬狐猪牛猿猴羊喜
山峰忌田園天刃刑岬郊禽夜 箕水豹食雉雞鹿獬馬狗
貉兔蛇獬狐猪羊狂猿猴喜山水峰忌天郊刑刃 斗木
獬食雉雞獬鹿貉蛇羊猿兔獬蚓喜山峰野忌天刃刑岸

禽夜 牛金牛食蛇蚓鹿畏蛟龍狼虎豹鳥喜水草山峰忌
天刑刃郊野 女土蝠食蚓愛燕鼠畏蛟龍蛇狗獬鳥喜
天岬郊忌刑刃山峰 虛日鼠食雉雞狐蚓燕獬猿喜山
田園忌天水刑刃 危月燕食蚓畏蛟龍狗蛇猪獬鼠鳥
喜天水郊野園岬忌刑刃山峰 室火猪食燕鼠蛇蚓喜
山園田野忌水天刃刑郊 壁水獬食蝠鼠燕蛇蚓愛猿
畏狼狗虎豹羊鳥喜山水峰忌天刑刃岬 奎木狼食雉
雞鹿獬貉馬兔獬狐猪羊牛獬喜山田草峰忌刑刃 婁
金狗食雉雞鹿獬貉蛇狐兔獬燕鼠獬猪蝠羊猿猴喜山
峰野忌天水刑刃 胃土雉食蛇蚓愛蛟畏狗貉狼狐虎
豹鼠鳥獬喜天山峰野忌水田刑刃 昴日雞食蛇蚓畏

狗貉狼狐烏獬虎豹喜田園忌水天刑刃郊 畢月鳥食
 蛟龍獬馬蝠鼠燕蛇蚓猪畏狐愛雞雉喜天山田野園岸
 忌郊水刑刃 紫火猴食兔蛇蚓愛馬與鼠戰畏狗貉虎
 豹喜山峰忌水岬刑刃 參水猿食狐畏貉狗獮獬虎
 豹鼠喜山峰忌天水刑刃 井木犴食虎豹蛟龍貉狗畏
 狐喜山水草峰忌田園天刑刃 鬼金羊食蛇貉愛鹿畏
 獬狗狼狐獬虎豹喜山峰田園野草忌天水郊刑刃 柳
 土獬食羊蛇畏狗狼虎豹獬牛猿喜山峰忌水刑刃郊岸
 星日馬食獮畏虎豹烏狼愛猿猴獬喜草郊野忌山水
 刑刃田岸 張月鹿食貉蛇畏狼狗虎豹獬喜草峰山忌
 水刑刃天岸 翼火蛇食蛟龍貉燕鼠蝠畏雞雉獬鹿狗

兔狐虎豹獬牛猴鳥羊喜水草山忌天刑刃 軫水蚓食
 泥土畏雞雉兔蝠鼠燕猪牛猴鳥獮愛蛇喜田園草岸忌
 山峰刑刃 山禽不下水水禽不上山夜禽日不出日禽
 夜不行飛禽怕湯火走禽怕刀砧 亥子為江湖寅卯為
 山林丑未為田園申酉為刀砧辰戌為岡巒巳午為湯火
 寅宮有猫狸反降虎豹丑宮有金龜反制蛟龍亥宮有
 飛熊反制諸禽戌宮有暗豹反制山禽申宮有猿猿反制
 狼狗未宮有胡鷹反制諸禽巳宮有海螿反制蛇蛟辰宮
 有羯獒反制虎蛟
 貴人登天門時 甲戌庚日正月庚申時二月坤艮時三
 月丁癸時四月丙壬時五月巽乾時六月乙辛時七月甲

時八月艮時九月十月十一月十二月並無 乙巳日正
月辛艮時二月辛癸時三月坤壬時四月丁時五月丙辛
時六月巽時七月乙時八月甲時九月十月十一月並無
十二月甲時 丙丁日正月癸時二月壬時三月庚時四
月坤辛時五月丁時六月丙時七月巽時八月乙時九月
甲時十月無十一月甲時十二月艮時 辛日正月乙時
二月甲時三月四月五月六月並無七月艮時八月庚癸
時九月坤壬時十月丁時十一月丙時十二月巽時 壬
癸日正月丁時二月丙時三月無四月艮乙時五月癸甲
時六月壬時七月乾時八月辛時九月十月無十一月庚
時十二月無 丑未寅初為艮時辰未巳初為巽時未未

申初為坤時戌未亥初為乾時寅未卯初為甲時巳未午
初為丙時申未酉初為庚時亥未子初為壬時子未丑初
為癸時卯未辰初為乙時午未未初為丁時酉未戌初為
辛時 其法以月將加時數至乾上晝治遇晝貴人夜治
遇夜貴人是也假如三月庚申日坤時河魁為將加坤從
魁臨丁傳送臨丙小吉臨巽勝光臨乙太乙臨甲天罡臨
艮太冲臨癸功曹臨壬大吉臨乾乾為天門大吉丑係庚
日晝貴是謂貴人登天門時其餘並同然須看官歷交宮
過將後取用如萬曆丁酉年五月十七日卯正一刻後日
躔鶉首之次方用小吉為月將若卯正初刻仍用四月申
將傳送他放此 貴人例甲戌庚日晝貴在丑其下神大

吉夜貴在未其下神小吉乙巳日晝貴在子其下神神后
夜貴在申其下神傳送丙丁日晝貴在亥其下神登明夜
貴在酉其下神從魁六辛日晝貴在午其下神勝光夜貴
在寅其下神功曹壬癸日晝貴在巳其下神太冲夜貴在
卯其下神太乙星出為夜用夜貴人星沒為晝用晝貴人
十二貴神例天乙貴人巳丑土吉將也前一騰蛇丁巳
火凶將也前二朱雀丙午火凶將也前三六合乙卯木吉
將也前四勾陳戊辰土凶將也前五青龍甲寅木吉將也
後一天后壬子水吉將也後二大陰辛酉金吉將也後三
玄武癸亥水凶將也後四太常己未土吉將也後五白虎
庚申金凶將也後六天空戊戌土凶將也假令如前課貴

人臨乾前一騰蛇臨壬騰蛇屬火是為騰蛇墜水前二朱
雀臨艮為破頭後三玄武臨坤土為折足前四勾陳臨甲
木為入獄後五白虎金神臨丙火為燒身後六天空臨巽
為被剝是六神藏四殺沒故此坤時大吉 布貴人例陽
貴順布如前坤時晝貴丑在乾前一騰蛇在壬前二朱雀
在癸前三六合在艮前四勾陳在甲前五青龍在乙後一
天后在辛後二太陰在庚後三玄武在坤後四太常在丁
後五白虎在丙後六天空在巽是為順布如其日庚申艮
時則夜貴未 在乾前一騰蛇在辛前二朱雀在庚前三六
合在坤前四勾陳在丁前五青龍在丙後一天后在壬後
二太陰在癸後三玄武在艮後四太常在甲後五白虎在

乙後六天空在巽是為逆布 四殺沒吉時孟月甲庚丙
壬仲月艮巽坤乾季月癸乙丁辛然須看官曆太陽過宮
後方可用如未交宮過將仍用前月之時

天罡取時用方法 每以月將加正時數至辰即天罡所
在之處假如五月午時是四月小滿後日躔實沈之次用
傳送為月將即以申加午上順數至寅得辰為天罡加寅
用此午時宜向寅方出兵破賊大勝未時卯方為天罡即
從卯方出餘放此 日月會朔正月日躔婁訾之次辰在
亥月將為登明 二月日躔降婁之次辰在戌月將為河
魁 三月日躔大梁之次辰在酉月將為從魁 四月日
躔實沈之次辰在申月將為傳送 五月日躔鶉首之次

辰在未月將為小吉 六月日躔鶉火之次辰在午月將
為勝光 七月日躔鶉尾之次辰在巳月將為太乙 八
月日躔壽星之次辰在辰月將為天罡 九月日躔大火
之次辰在卯月將為太冲 十月日躔析木之次辰在寅
月將為功曹 十一月日躔星紀之次辰在丑月將為大
吉 十二月日躔玄枵之次辰在子月將為神后 其法
看官曆交宮過將如萬曆丁酉年正月初十日辰正二刻
日躔婁訾之次方用亥將登明若辰正二刻以前仍用子
將神后他皆放此

都天大六壬透天關法 夫透天關者乃九天玄女究天
上之六甲定人間之五行省千紙之繁文歸一統之正體

每日課定三門出入用之大吉或陣機急速要用之時更不搜索文字不避凶吉但遇五符唐符國印三時方出軍大勝 一五符二天曹三地符四風伯五雷公六雨師七風雲八唐符九國印十天關十一地軸十二天賊五符唐符國印大吉天曹地符宜守風伯消息凶雷公大凶雨師憂賊至天關宜追捕天賊必與賊遇地軸多逃遁風雲宜避其法以天干祿泊處起五符甲祿在寅乙祿在卯丙戊祿在巳一云戊祿在辰丁巳祿在午一云巳祿在戌庚祿在申辛祿在酉壬祿在亥癸祿在子假如甲日寅上起五符則卯為天曹辰為地符巳為風伯午為雷公未為雨師申為風雲酉為唐符戌為國印亥為天關子為地軸丑為

天賊是寅酉戌三時三方大吉餘皆勿用他放此
天兵時 甲巳日在寅乙庚日在戌丙辛日在申丁壬日
在午戊癸日在辰凡用此時一日十勝

壬子年癸日五亥日申酉部一日十湖
 天兵部 卯日酉寅丁與日酉亥酉辛日酉甲丁壬日
 天湖是寅酉卯三和二三六六吉命命命命命命命命

戎事類占卷之二十一

豫章李克家嗣宗甫輯
 新安孫汝澄無撓甫校

厭勝類

易曰吉凶者貞勝者也陰符經曰禽之制在氣凡氣有所
 勝則制之氣有所不勝則為之制固無出乎五行生克衰
 王相保相畏之理若夫假藉神鬼妙運機宜亦足以鎮吾
 軍心以疑敵志此又不可不知也

孤虛法 凡出戰宜背孤向虛背建擊破背生衝死背德

攻刑主兵大勝 太白經年孤虛太歲後二辰為孤二辰

所衝為虛假如太歲在子戌亥為孤辰巳為虛太歲在丑

亥子爲孤巳午爲虛餘放此月孤虛以登明加月建上河魁從魁下爲孤天罡太冲下爲虛日孤虛以登明加本日辰時孤虛以登明加本時上竝河魁從魁下爲孤天罡太冲下爲虛若十萬人以上用年孤虛萬人以上用月孤虛千人以上用日時孤虛凡歲建征伐不可向之背之則吉又不可正背但側避之 一術子年卯孤酉虛子月亥孤巳虛子時寅孤申虛竝順流十二位日與月同法 演禽書年月日時竝以太歲後一辰爲孤其冲爲虛太乙書文昌在內爲虛可以攻外文昌在外爲孤可以攻內陰德大義地主陽德和德呂申高轅太陽爲內自乾至辰是也大炁大神大威天道大武武德太簇陰主爲外自巽至戌是也如嘉靖甲子歲文昌在地主爲在內萬曆甲午歲在武德爲在外蓋文昌十八年行十六宮一周至陰德乾大武巽重留一歲卽今丁酉歲文昌在陰德戊戌歲又在陰德是也 出孤虛方呪曰背向孤方面向虛行兵出外不迤輸吾今會得孤虛法一卒湏能敵萬夫吾奉太上老君神水呪急急如律令

天德方 子年在巽合在申丑年在庚合在乙寅年在丁合在壬卯年在坤合在巳辰年在壬合在丁巳年在辛合在丙午年在乾合在寅未年在甲合在巳申年在癸合在戊酉年在艮合在亥戌年在丙合在辛亥年在乙合在庚正月在丁二月在坤三月在壬四月在辛五月在乾六月

在甲七月在癸八月在艮九月在丙十月在乙十一月在巽十二月在庚背之勝

月德方 正五九月在丙二六十月在甲三七十一月在壬四八十二月在庚背之勝

天道方 正九月在離二月在坤三月在坎四十二月在兌五月在乾六十月在震八月在艮十一月在巽背之勝

生氣方 子年在戌丑年在亥寅年在子卯年在丑逐年輪行 正月在子二月在丑逐月輪次順行背之則吉

三刑方 子刑卯卯刑子寅刑巳巳刑申申刑寅丑刑戌戌刑未未刑丑辰刑辰午刑午酉刑酉亥刑亥歲月日時竝同向之大勝假如申刑寅背申向寅

九天九地方 春三月寅為九天申為九地夏三月午為九天子為九地秋三月申為九天寅為九地冬三月子為九天午為九地決勝宜向九天背九地

凡行兵宜戰雄之神忌戰雌之神 春功曹寅夏太乙巳秋傳送申冬登明亥為雄 春傳送申夏登明亥秋功曹寅冬太乙巳為雌

黑殺大神巡遊之方不宜頓兵 正月亥子方二月丑寅

方三月卯方四月酉方五月午方六月巳午未方七月辰巳方八月巳午未方九月亥子丑方十月申酉戌方十一月子丑寅卯方十二月丑寅方

凡決戰宜向地耳背天目大勝 甲子旬午為天目辰為

地耳甲戌旬辰爲天目寅爲地耳甲申旬寅爲天目子爲地耳甲午旬子爲天目戌爲地耳甲辰旬戌爲天目申爲地耳甲寅旬申爲天目午爲地耳

凡行軍宜背天關向天梁 春三月斗木獬爲天關軫水蚓爲天梁夏三月角木蛟爲天關壁水獮爲天梁秋三月井木犴爲天關參水猿爲天梁冬三月奎木狼爲天關箕水豹爲天梁

天乙神者天兵大將軍也其位至尊背之卽勝向之則敗如甲子旬天乙在戌甲戌旬天乙在申凡六旬中後旬初辰是也

凡出軍避天門擊百死一可當百大勝天門者卽每月破日是百死者厄日是如正月天門在申百死在酉二月天門在酉百死在戌餘放此

凡出軍有神通之法陽歲用大吉陰歲用小吉加歲運之辰天上甲庚爲天道天上丙壬爲人道天上乙辛爲兵道天上丁癸爲鬼道出軍乘天道大吉人道次吉兵道見血光鬼道疾病假令太歲在寅爲陽歲以大吉加寅上天上甲庚臨地下乙辛爲天道天上丙壬臨地下丁癸爲人道天上乙辛臨地下乾巽爲兵道天上丁癸臨地下坤艮爲鬼道他皆放此月中神通用大小吉加月建同此推之凡出軍日暮將下營寨以月建加正時若遇三刑加日辰不可住假令二月甲子日未時欲下營以月將加時竝在

三刑之下夜有賊來劫營避之則吉三刑者太冲天罡太乙也

凡劫營主陣之法大將軍常居青龍上青龍者如甲子旬則子上是甲戌旬戌上是餘放此不可向太歲太陰若向三辰逆天道主凶太歲者歲中天子至尊之位太陰者歲中皇后常居歲後之辰

凡欲逃難急向天門方去大吉每以甲子旬支上起青龍順飛求天門莫犯牢獄如日辰屬甲子旬中即從子上起青龍丑逢星寅明堂卯太陰辰天門巳地戶午天廷未天牢申天獄酉陽孤戌華蓋亥玉女甲戌旬之日戌上起青龍寅上得天門甲申旬之日申上起青龍子上得天門是

也餘放此

凡行軍出戰須自太歲月建天道方而往者大勝若敵軍在太歲月建上來者毋論士卒多少謹守勿出蓋我軍不得去神也春夏左戰秋冬右戰勝之

凡日之辰起後二攻前四賊不能格鬪如子日後二在戌前四在辰餘放此一曰不可以破對建囚死當生王謂秋甲乙日向西攻是死當王一曰以陰攻陽謂亥子對巳午是也

凡行軍誓衆須按金木水火土克制之法若庚辛伐丙丁丙丁伐壬癸壬癸伐戊巳戊巳伐甲乙甲乙伐庚辛必主兵凶將死

凡行軍入敵境擇地安營上將宜居歲星太陰下大將軍
月建下一曰豹尾之下九天之上宜下營寨九天者春功
曹夏太乙秋傳送冬登明是也

豹尾看官曆年神方位
圖下在何方向便是

凡欲令人探賊兵宜出何方以月將加正時出天罡太冲
下則人鬼不見又曰宜往太陰之上探之

凡伏兵大將軍宜伏於太歲月建太陰下上將伏於亭亭
之下候敵至時攻其不意大勝亭亭法見時日類又云亭
亭者以月將加正時神后下是也太陰歲後二辰也

凡賊兵來追欲避難者以月將加正時出太冲從魁下去
吉又云從天罡上去吉忌抵王方王方者春東夏南秋西
冬北也

凡軍行迷路以月將加正時遇功曹傳送臨日辰前道通
若魁罡加日辰者不通又云天罡加孟左道通加仲中道
通加季右道通

凡度關覘賊視行年若在太歲月日時冲破下者皆凶故
曰凶不凶視破冲若日辰王相有氣上下相生宜進否則
宜退行年者一歲丙寅十一歲丙子二十一歲丙戌逐歲
順去值年小運便是

凡欲知戰鬪所在以月將加正時視大吉所臨之方若大
吉加子午賊在卯下加丑未在巳下加寅申在未下加卯
酉在寅下加辰戌在亥下加巳亥在丑下 又云戰鬪不
知在何處以月將加正時春在氏乙下夏在柳丁下秋在

胃辛下冬在女癸下

凡行軍決戰須知五行厭勝之法 春三月長鎗在前夏三月戈戟在前秋三月弓弩在前冬三月刀楯在前若敵人以曲星陣來我以金星當之次以圓星銳星當之五陣之法相克當之後陣相生各隨便益變異餘皆放此若敵人軍隊服紅者以黑衣當之次青次黃次白次黑以我克他者也

春三月不征東有敵在彼要伐者可着六人持長柯斧長戟長鎗向前六里乃止決勝 夏三月不征南若敵在彼要伐者可使五人持黑旗幡各持水三斗瓶子張着向前五里止決勝 秋三月不征西若敵在彼要伐者可使八

人持紅旗蘆葦為燭炬各八尺秉火燭油瓶着紅衣向軍前八里止決勝 冬三月不征北有敵在彼要伐者可使九人持泥人仗桃弓葦矢着黃衣向軍前九里吉

凡將欲出師假令以木日聞警急事謂四方舉兵及攻仇怨必以火命人用火日火時從火門出兵大勝此名子孫為父母報仇勿令金命人金日金時金門出必敗為金克木是反克也如三月甲子日聞警急賊事利以丙丁火日巳午火時出火門太乙勝光下大勝餘放此

凡欲劫營主陣之法可用方圓六十步或六百步或六里一人一步每步五尺千人千步萬人萬步隨人加減進退用之

凡遠行出軍急不暇擇日時當門先行六步叩齒默念千
里呪七遍萬事大吉 呪曰六律九章天圓地方四時五
行青赤白黃太乙為師日月為光禹步治道蚩尤避兵蒼
龍夾列白虎扶行熒惑前引辟除不祥北斗護我去除凶
殃五神從我同遊四方當我者歿背我者昌左右杜稷寇
賊伏匿我行有喜我畱有福五神助我所須者足吾奉太
上老君律令攝

凡出軍征戰捕盜遠行更不忌諸神煞 呪曰四縱五橫
吾今出行禹步治道蚩尤辟兵當我者歿背我者生急急
如律令 如出誦呪畢用左手拇指畫九龍符形或於地
上或於虛空 九龍符形  出天門六戌呪天門

天門吉日良辰玉女持我來往出入不逢殃禍君子見我
喜樂非常小人懼我遠去他方急急如律令 在此方念此呪 出

地戶六坤呪玉女靈神覆我遊行東西南北災禍不侵所
求者得所作者成神章自降出入幽冥 天門地戶方子
日天門丙地戶甲 丑寅日天門丙地戶乙 卯辰日天
門庚地戶丁 巳日天門庚地戶壬 午未日天門壬地
戶辛 申日天門壬地戶甲 酉戌日天門甲地戶癸
亥日天門甲地戶丙

十二支日用旗色 子日戌時戌地用黑旗向前望北噴
水一口一人當五十人 丑日寅時寅地用紅旗逆行三
步一人當三十人 寅日辰時辰地用白旗歸丙見陣大

吉 卯日戌時戌地用白旗向前插立一人當七十人
辰日辰時辰地用白旗向前望西噴水一口一人當三百
人 巳日戌時戌地用黑旗向前噴水一口一人當三十
人 午日寅時寅地用紅旗向前噴水一口一人當七十
人 未申酉戌亥日寅時寅地用紅旗向前作虎聲一人
當百人

凡行軍安營寨依山近水或有地勢峭峻水聲嗚咽如猛
獸不可懼震雷風雨不可駭動恐驚土衆當依九天使者
禳鎮法用一大將軍甲乙日領軍着白衣丙丁日着黑衣
戊巳日着青衣庚辛日着赤衣壬癸日着黃衣執五色旗
出寨門直行四十九步擲旗在地小將引馬繞旗轉四十

九轉遭取於招搖高聲大言禍去福來凡道七遍躍馬而
歸不得返顧一切凶惡不致相加

凡安營下寨有井水忽然湧沸有聲如雷隱隱經時不止
則兵出中道而敗可澄心正立左手叉腰右手執劍尖指
井泥泉念呪曰泥泉之神吾知汝名輒應餘威洪波上騰
清安坎兌大利吾軍急急如律令呪訖遂怒目飲氣叱之
則無禍患

凡欲渡河無故浪起便宜退兵下寨前必有敵可作防備
必勝來兵

凡軍行山谷間若有嵐烟嶂霧前後晦冥可令前軍吶喊
鳴金擊鼓搖旗驅馬而進此山鬼厭人可以衝突自然無

咎若不如此逢敵必敗糧道阻絕人離散

凡交戰時敵人大敗若暄霾風雨忽起一切不可追襲恐是敵人厭法大將軍急取淨水一碗左手持水右手持劍望敵兵處叩齒七遍 呪曰叱叱風神腐木之精為人驅使厭吾正兵神水一喫倒殃迴程急急如律令念呪畢便含水一口望風喫之

凡冷風飄然起於軍帳前後令人用意搜索防有奸細凡五更忽有風起倒樹飛沙天色悲慘營中戰馬嘶喊不止有逆亂事并敵人與衆兵相加當令商姓將一人着白衣用硬弓四方上下各射一箭得獲平安有兵自還

凡出軍有和風飄衣褶習習不止人情舒暢旌旗飛揚當令射獵作戲以悅軍情蓋敵人遠避奸賊從順也

凡營寨中風忽起吹旗有動者餘旌旗都不動速令馬軍四十九騎或四百九十騎出寨三里四面搜索必擒敵人驍將

凡軍帳前忽旋風起依營門出者可令小將二人隨風落處必有奇怪事或無便於地掘下三尺必見異物

凡安營纔定有白雲如走獸狀對營寨若龍蟠鳳舞來往不定可令徵姓軍士三人着緋衣持緋旗二面出寨約行二里卓旗殺黑犬一隻望雲洒血每人洒七遍而還不得回視則營壘保全敵不敢犯

凡遇敵有赤雲如山在彼軍上勢向我陣不可鳴金擊鼓

宜張列旗幟按兵待敵先動然後應之

凡對陣迴戈有雲如大火鼠尾之狀覆於寨上便當量截二里所兵數多少及一切金鼓旗幡盡湏入寨其餘軍眾分作兩隊於寨外溝壑山谷林藪間堪隱匿處潛伏待之入夜必有敵人劫寨但令寨中舉火爲號伏兵齊起掩擊必獲大勝

凡攻城破陣有風帶腥氣者順風可攻逆風不可攻此名天宿風鬼金之氣必相殺 有風帶土者此名天泣涕不可攻令衆軍望天罡唱喏三聲回向無凶 有風帶土霧者名暗風夜有賊兵劫寨宜先防備

凡行軍甲乙日有白雲白鷺自西方飛來此係天狗下食人宜赤旗立於西方以弓箭射之用黃旗頓在北方可變凶爲吉 庚辛日南方有赤雲氣風來主哭可用黑旗立於南方噴水一口免致火災念呪曰南方宋無忌火光速入地我有子癸神自蓄萬斛水急急如北極紫微大帝律令勅五帝大火鈴童子火鈴將軍聞吾神水速走萬里急急如北極紫微大帝律令勅

凡軍行及住營寨如遇天雨土毛石血并諸色物者宜屯兵息戰整甲犒師

凡軍行及營寨中有雷霆塵物色若在大將軍行年本命土地天衝神助若在別方不宜出軍攻戰過月方吉

凡營寨內井泉湧沸憂陰謀盜賊起於正東方取青石一

枝可重十斤以酒煮之數沸投井中禳之吉

凡營寨內井忽乾竭有暴兵相臨戰必不勝埋生鏃五斤於井中吉

凡營內夜見兵刃上有如星光明將至燈火前又不見者此爲太白敗星先^言後輸將軍有難取其星光之刀截斷埋於歲刑上吉

凡軍營忽見刀劍刃上有血者敗亡之兆速令各軍磨整器械獎賞激勸大吉

凡營寨忽有樹木非時結實此軍交暴兵之難宜斫此樹埋於歲月刑上其災自除

螺占法 凡欲占賊自夜取一淨盤以墨界一直格於中

路分左右取二螺黃昏安置在盤內以占之臨時持螺念呪曰田螺舞舞能知風雨賊來不來各安營所又念呪曰田螺索索風雨不着賊來不來各安城郭念呪訖放螺於盤各界內向曉視之若賊螺入我界不可交戰若我螺入賊界急宜攻之大勝若兩螺各居其界不成戰攻 又占賊來不來夜取一螺如前呪祝安盤中若甲乙日頭向東賊來急五日至向西十日至向南無賊向北賊不來亦不勝丙丁日向東二日至向南九日至向西七日至向北卽便至庚辛日頭向西與賊相抵向北無賊向東有賊自敷向南有賊大亂相殺壬癸日頭向北無賊向東三日至向南雖來自去向西賊來不成戰戊巳兩日螺忌日不可卜

占安穩法春月頭向東大吉向南小驚不害夏月向北大吉向南半吉向西大凶秋月向西大安向南有破向北有福德向東大破賊冬月向北大吉向東安穩向南賊自去向西小驚 凡占賊用螺之法若急中無盤着螺畫地安之但取螺之時令人見之

唐符法 凡出軍往來當飲食六甲左右六丁衣帶六戊行步乾坤飲食六甲者謂甲子旬中飲食向北方六戊者謂甲子旬中衣帶辰地左右六丁者謂時下甲子旬中帶鎗刀向卯地餘甲放此行步乾坤者謂發步之時先舉左足言乾次舉右足言坤次舉左足言元次舉右足言亨次舉左足言利次舉右足言貞行畢勿返顧隨意所之

大將軍當居青龍之上如對壘時金鳴鼓震兵戈交戰便當披衣念呪步北斗從魁罡步至破軍虛履施身入斗中立念呪曰高皇真人降紫清頭戴三台足步雲手持寶劍攝召靈掌握禍福判雷霆變易造化成晦明華蓋躔結隱我形萬人見時若束薪急急如律令攝

陰起水



陽起火



北斗陰陽二斗當預先於虛靜庭中想斗之形履之既熟臨危不迫此法幽玄久久步之自有奇驗

戎事類占卷之二十一終

萬曆丁酉冬日

雕于廐原山館



戎事類占後序

學之貴於禪天也豈徒程已然之迹要必

從之數為歲時表記也與哉又豈必窮無

始之玄盡有生之奧全天為我全我為天

乃稱神天道哉聖人作曆明時大者視吉

凶決趨避勉脩省善承天施而已輓近世

既岐天人尤岐彼已乃使天文有禁障川

為通天之示我而何必畏人知則占書之不可不使人知也必矣乃行事之寡切于占者莫如兵何者軍國重務死生勝敗存亡之所屬不可不知也則李君戎事類占之作可少緩乎夫戎之事有天人交際之運有邪正互伸之機有功過兩爭之秘有將相訖交之本有營陣變易之術有歲時

行事之宜然揔之不能為天牀不違天而已天之可見者莫如列曜七政之顯行其昭赫恠異莫如軒轅之一十四變其寡切于兵者莫如太白出乎恒星之外則莫如五緯之變流於國皇極矢諸星凡此書之變悉之也李君與人也其占之法見于臺曆者具遲留伏逆之數而迄止于按圖見

于三儀者具旋轉低昂之機而歲差于積
分以書之秘也難也李公不易以與人也
至於末附厭勝諸說則仁人用心之至舉
自來所有之訣以與人矣夫自軒轅領玄
女法以破蚩尤而太公視之為天陣以敗
高朗鬼谷為舉以完孫子班仲升一試以
收西說諸葛三試以屈魏吳李靖守之而

不能因故曰稽神稽鬼先稽我智

國朝劉青田稍有窺見然一試于錢塘鄱
陽之濱而其它不張用也李君從空引手
挈之中天嗟々忠臣愛國不老毛髮善醫
者不施藥而旋方李君嘉惠寰宇不其至
焉李君方少年寸品學識為吾儒大弟子
乃後令孝為同抱杞憂雅習時務于經濟

業匪不剛勒成卷蓋宇宙之事乃其家而
而此書特其一身不佞于宇內向注其令
孝為者二十年茲得扼掌于蔣山之下
有參証而因與於寧馨傾蓋之譚即謂世
間神品在是非謂父書之讀比也乃舉此
書僭為一語以贅簡末宇宙之廣必有識
子孟嘉者則李公當不朽而且以信吾言之

不安耳

黃岡蔡正茂撰

新安羅彞序書



楚歌臨 吟所

鞭匪難 日故蘇

